


聖

門

志

三



聖門志  
(三)

呂善輝輯

# 聖門志卷之三上

四氏封典

性譜世紀  
顯裔附

敘曰。自戰國魏安釐王封孔子後爲魯國文信君後。累朝封號不一。宋仁宗至和二年始封爲衍聖公。哲宗元符元年。又改封奉聖公。徽宗崇寧三年。復封爲衍聖公。國朝洪武元年。詔封衍聖公世襲。鑄降銀印。十年。設襲封府衙門。每遇萬壽聖節。赴京朝賀。又奉旨准額設官屬人等。宜從衍聖公保舉。堪用人數。具呈都省。以憑銓用。景泰三年。詔顏氏宗子世襲五經博士。嘉靖十八年。欽授曾子後世襲五經博士。弘治十六年。題准子思子奉祀書院博士。世以衍聖公次子承襲。正德元年。設衢州府世襲五經博士。景泰三年。欽授孟子後世襲五經博士。每歲萬壽。博士赴京慶賀。萬曆四十二年。奏討博士印。奉旨下部候給。洪武元年。詔世襲曲阜知縣。管理邑務。惟選賢能者授職。不以世次承襲。著爲令。甲。宣德元年。三氏學錄始以聖裔任。尼山洙泗書院。前代各設山長。奉侍香火。正德二年。奏准改山長職銜爲學錄。嗟夫。運會推移。陵谷遷改。皇王之胤。或夷爲編氓。名諡無稽。而四氏之後。高爵厚祿。安富尊榮。與天地相爲悠久。余因摺撫國史。參考家乘。論次而傳列之。令纂服者庶幾盛美有彰。而誦法者不患文獻無徵矣。今以四氏之姓譜。國朝之世官。歷代之科目。貢監聞達。俱備錄焉。

## 世襲職銜

聖公府孔氏襲封衍聖公一人。翰林院顏氏世襲五經博士一人。曾氏世襲五經博士一人。孔氏世襲五經博士二人。孟氏世襲五經博士一人。孔氏世襲曲阜縣知縣一人。四氏學錄一人。尼山書院學錄一人。洙泗書院學錄一人。孔庭族長一人。林廟舉事一人。

孔氏姓譜

先師孔子。黃帝之後也。黃帝生玄囂。玄囂生蟠極。蟠極生帝嚳。帝嚳生契。唐堯之臣。佐禹治水有功。始封于商。賜姓子是。爲子姓之祖。契生昭明。昭明生相土。相土生昌若。昌若生曹圉。曹圉生冥。冥生振。振生微。微生報丁。報丁生報乙。報乙生報丙。報丙生主壬。主壬生主癸。主癸生天乙。是爲成湯。革夏而有天下。天乙生太丁。太丁生太甲。太甲生太庚。太庚生太戊。太戊生河亶甲。河亶甲生祖乙。祖乙生祖辛。祖辛生祖丁。祖丁生小乙。小乙生武丁。武丁生祖甲。祖甲生庚丁。庚丁生武乙。武乙生太丁。太丁生帝乙。當周武王克商時。封帝乙之子微子啓國于宋。以奉湯祀。啓卒。傳弟思衍。號曰微仲。微仲生宋公稽。宋公稽生丁公申。丁公申生潘公熙。潘公熙生弗父何。遜國于弟厲公。何世爲宋卿。厲公何生宋父周。宋父周生世父勝。世父勝生正考父。三命益共。又得商頌于周太師。歸以祀其先王。正考父生孔父嘉。五世親盡。別爲公族。始以孔爲氏焉。孔父嘉生木金父。木金父生畢夷。畢夷生防叔。避華督之難奔魯。防叔生伯夏。伯夏生叔梁紇。仕爲陬大夫。初娶魯施氏。有九女而無子。其妾生孟皮。字伯尼。有足疾。不任祀事。乃求婚于顏氏。顏氏有三女。其父問曰。陬大夫父祖爲卿士。實先聖王之裔。今其人身長十尺。武力絕倫。吾甚貪之。雖年高

姓嚴。不足爲疑。三子孰能爲之妻。二子莫對。其幼徵在。進曰。從父所制。將何問焉。父曰。卽爾能矣。遂以妻之。顏氏禱于尼丘之山。升之谷。草木之葉皆上起。降之谷。草木之葉皆下垂。及懷妊。十一月而生。先聖于周靈王二十一年庚戌十月二十一庚子日甲申時。卽今之八月二十七日。是夕有二龍繞室。五老降庭。五老者。五星之精也。顏氏之房。聞鈞天之樂。空中有聲云。天感生聖子。故降以和樂之音。生而首上坊頂。因名丘。字仲尼。有異質。其眉一十二彩。目六十四理。立如鳳峙。坐如龍蹲。手握天文。足履度字。望之如什。就之如升。視若營四海。躬履謙讓。胸有文曰。制作定世符。身長九尺六寸。腰大十圍。享年七十三歲。薨于周敬王四十一年壬戌四月乙丑日。卽今之二月十八日。至國朝萬曆四十一年癸丑。凡二千九十有六年也。

### 宗子世紀

二代孔鯉。字伯魚。生于周景王十三年己巳。適魯昭公。以二鯉魚賜孔子。榮君之貺。因以名其子。早聞過庭之訓。旣長。魯哀公以幣召。稱疾不行。年五十歲。卒于周敬王三十七年戊午。生子伋。

三代孔伋。字子思。卒年六十有二。生子白。詳具四配列傳。不重書。

四代孔白。字子上。請所習于子思。子思曰。先人有訓焉。學必由聖。所以致其才也。礪必由砥。所以致其刃也。故夫子之教。必始于詩書。而終于禮樂。雜說不與焉。齊威王召白爲國相。卒年四十有九。生子求。

五代孔求。字子家。楚召不受。卒年四十五。生子箕。

六代孔箕字子京為魏相年四十六卒生子穿

七代孔穿字子高楚魏趙三國交聘不就著儒家之語十二篇名曰讜言年五十一卒生子謙

八代孔謙字子順仕魏為安釐王相改嬖寵之官以事賢奪無任之祿以賜有功諸喪職秩者不悅相魏

九月以病致仕遂寢于家嘗曰今秦有吞天下之心不出二十年天下其盡為秦乎秦莊襄王召不行魏

以孔子後封魯國文信君年五十七卒生子三鮒騰樹以上俱一子相承惟至九世始有三子焉

九代孔鮒字子魚秦始皇召為魯國文通君拜少傅三十四年丞相李斯始議焚書與弟騰藏其家語論

語尚書孝經等於祖堂舊壁中自隱於嵩山教弟子百餘人後陳涉為楚王聘為太傅凡仕六月託疾而

退年五十七卒於陳下著書二十餘篇名曰孔叢子生子隨字元路六傳至安嗣絕鮒弟騰字子襄身長

九尺六寸漢高帝過魯封為奉嗣君以奉孔子祀後為惠帝博士遷長沙太守年五十七卒生子忠按封孔

子後裔奉祀始此

十代孔忠字子貞徵為博士封褒城侯年五十七卒生子二長武次安國

十一代孔武字子威為漢文帝博士至臨淮太守早世卒生子延年

十二代孔延年博覽羣書漢武帝時為博士轉少傅遷大將軍年七十一卒生子霸

十三代孔霸字次孺幼有奇才漢昭帝時為博士宣帝時以大中大夫授皇太子經遷詹事為高密相元

帝即位拜太師賜爵關內侯食邑八百戶號褒成君給事中賜黃金二百斤宅一區徙名數于長安為人

謙退。嘗稱位祿太過。何德以堪之。帝欲致之相位。讓至三四。帝知其誠。乃止。上書求奉先聖祭。詔令以所食邑祀孔子。享年七十二。卒於第。帝素服臨弔者再。賜東園祕器錢帛策贈列侯。諡曰烈。生子四。福、捷、喜、光。

十四代孔福。襲封關內侯。年六十三卒。生子房。

十五代孔房。漢哀帝時。襲封關內侯。食邑八百戶。生子均。

十六代孔均。字長平。初名莽。避王莽。改今名。敦篤好學。有大才。襲封關內侯。徵拜尙書郎。言辭清辨。奏對

成章。漢平帝始元年。改封褒成侯。食邑二千戶。五年。王莽篡位。拜太尉。不就。三辭疾。乃得還。年八十一

卒。生子志。按。自漢以來。雖以聖裔寵異之。猶未襲封也。至十三代福。封關內侯。傳十四代房。十五代房。俱嗣侯。雖襲封矣。猶稱關內侯。是爲尊帝師而封也。至平帝始改封均爲褒成侯。則專爲奉先聖而封矣。自是封爵世

絕不

十七代孔志。漢光武初。拜大司馬。建武十四年。襲封褒城侯。食邑二千戶。卒。諡元成。生子損。

十八代孔損。字君益。漢明帝永平十五年。襲封褒成侯。章帝元和二年。東巡狩。詔褒成侯助祭。和帝永元

四年。改封褒亭侯。食邑一千戶。生子曜。

十九代孔曜。字君曜。襲封褒亭侯。生子二。完、讚。

二十代孔完。襲封褒亭侯。早卒。嗣絕。以弟讚之子羨襲封。

二十一代孔羨。字子餘。魏文帝黃初元年。拜議郎。改封宗聖侯。以魯縣百戶奉祀。生子震。

二十二代孔震字伯起。晉文帝泰始三年。改封奉聖亭侯。拜太常卿。黃門侍郎。食邑二千戶。年七十五卒。生子嶷。

二十三代孔嶷字功成。襲封奉聖亭侯。食邑二千戶。年五十七卒。生子撫。

二十四代孔撫舉孝廉。辟太尉掾。襲封奉聖亭侯。爲豫章太守。食邑一千戶。生子懿。

二十五代孔懿襲封奉聖亭侯。從事中郎。食邑一千戶。年六十一卒。生子鮮。

二十六代孔鮮字鮮之。恢廓大度。好學善誨。宋文帝元嘉十九年。襲封奉聖亭侯。改封崇聖侯。生子乘。

二十七代孔乘博學有才。後魏舉孝廉。文帝延興三年。封崇聖大夫。食邑五百戶。生子靈珍。

二十八代孔靈珍授祕書郎。孝文帝太和十九年。仍封崇聖侯。食邑一千戶。生子文泰。

二十九代孔文泰襲封崇聖侯。食邑一千戶。年五十八卒。生子渠。

三十代孔渠襲封崇聖侯。北齊天保元年。改封恭聖侯。後周大象二年。改封鄒國公。食邑一千戶。生子長孫。

三十一代孔長孫周武帝宣政元年。襲封鄒國公。食邑一千戶。年六十四卒。生子二英。英。嗣。英。

三十二代孔英。英。陳光大元年。改封奉聖侯。嗣。英。弟。嗣。英。隋文帝初。應制登科。授涇州司兵參軍。遷太子通事舍人。襲封鄒國公。煬帝大業四年。改封紹聖侯。食邑一千戶。十二年。授吳郡主簿。帝崩揚州。由是歸魯。年七十卒。生子德倫。



三十三代孔德倫。唐高祖武德九年。改封褒聖侯。太宗貞觀十一年。詔朝會位同三品。食邑一千戶。天授元年。賜勅書及時服。年七十七卒。生子崇基。按。此後世詔孔氏子孫朝會之始。

三十四代孔崇基。唐中宗嗣聖十二年。襲封褒聖侯。神龍元年。制授朝散大夫。陪祭朝會。年五十六卒。生子璉之。

三十五代孔璉之。字藏暉。唐玄宗開元五年。襲封褒聖侯。特授四門博士。郡王府文學。蔡州長史。二十七年。改封文宣公。除兗州長史。遷都水使者。食邑一千戶。生子萱。

三十六代孔萱。襲封文宣公。兼兗州泗水令。生子齊卿。

三十七代孔齊卿。唐德宗建中三年。襲封文宣公。兼除兗州功曹參軍。生子惟睦。

三十八代孔惟睦。憲宗元和十三年。授兗州參軍。襲封文宣公。年六十五卒。生子策。

三十九代孔策。明經及第。歷少府監主簿。國子監丞。襲封文宣公。遷國子尚書博士。年五十七卒。生子振。

四十代孔振。字國文。唐懿宗咸通四年。狀元及第。除祕書省校書郎。歷連判。監察御史。左補闕。水部員外郎。襲封文宣公。年七十四卒。生子昭儉。

四十一代孔昭儉。任南陵尉。授廣文館博士。兗州司馬。除祕書郎。襲封文宣公。累宰曲阜。年六十卒。生子光嗣。

四十二代孔光嗣。齋郎出身。哀帝天祐二年。授泗水令。陵廟主。五季之亂。失其世爵。故授是官。年四十二。

爲洒掃戶孔末所害生子仁玉。

四十三代孔仁玉字溫如初。孔末既害光嗣，自爲曲阜令。時仁玉生始九月，母張氏抱歸，育於外家。後魯人見其長，訴於官，事聞於朝，乃罷末。以仁玉爲先聖嗣，身長七尺，姿貌異常，善六藝，尤精春秋，爲人嚴整。臨事有斷。時年十九歲，任曲阜縣主簿，兩考滿，陞縣令。襲封文宣公。後周大祖廣順二年，幸謁祖廟，及孔林，召對數刻，賜五品服，銀器雜綵，復口授曲阜縣令，兼監察御史。年四十五，卒於官。葬祖墓東，贈兵部尚書。生子四，宜、憲、冕、勗。後世以孔氏苗裔幾絕而復續，稱爲中興祖。

四十四代孔宜字不疑，自幼聰悟，十歲能屬文。宋乾德四年，詣闕上書，述其家世，詔爲曲阜主簿，調黃州軍事推官。時方平吳越，參預兵機，宜力實多，代歸。太宗召見，遷司農寺丞，領關市於星子鎮。時江左始平，庶務不綱，星子實江湖之會要，貨殖之都，聚度其利害，請營之爲軍，朝議以戶口少，且陞爲縣，卽命宰之。政成，考績有稱，轉運使王明奏其言忠行篤，守法奉公，乞擢居朝列，委以事權，尋入覲，因獻所著文賦。太宗嘉焉，顧問孔氏歷世之數，具以實對。太宗謂左右曰：「家世之遠，有如此者乎？」特遷太子右贊善大夫，襲封文宣公。未幾，通判高密，還朝，遷殿中丞。雍熙二年，太宗北征，受詔督軍餉，溯巨馬河卒。年四十六，生子三：延世、延澤、延澁。

四十五代孔延世字茂先，以父沒邊境，特賜同學究出身，授曲阜主簿，秩滿，陞福州閩縣令，調許州長葛令。宋眞宗卽位，宣諭侍臣，令咨訪宣聖有何子孫，呂端奏有嫡孫延世，見任長葛令，召見，詢以家門故事。

授曲阜令。襲封文宣公。卒於官。年三十八。生子聖佑。

四十六代孔聖佑。年九歲。賜同學究出身。祥符元年。真宗東封。詔賜衣緣。次京官陪位。駕幸林廟。授太常寺奉禮郎。四年。轉大理評事。天禧五年。以光祿寺丞襲封文宣公。知仙源縣事。遷贊善大夫。終於太子中舍。卒年三十五。嗣絕。堂弟宗愿。字子莊。延澤子。宋仁宗天聖中。以叔父道輔廕補太廟齋郎。寶元二年。授守國子監主簿。襲封文宣公。知仙源縣事。至和二年。改封衍聖公。知仙源縣如故。累遷尚書比部員外郎。通判維州。卒於官。年六十三。子四。若蒙、若虛、若愚、若拙。

四十七代孔若蒙。字公明。宋神宗熙寧元年。襲封衍聖公。哲宗元祐元年。改封奉聖公。坐事廢爵。生子二。長端友。次端操。弟若虛。字公實。宋哲宗元符元年。代兄襲封奉聖公。卒。朝廷復以若蒙長子端友嗣爵。詔衍聖公專主祀事。不任他職。每遇大禮。許赴闕陪位。至國朝。列聖視學。必遣官取衍聖公三氏子孫觀禮。始此。

四十八代孔端友。字子交。宋徽宗崇寧三年。襲封衍聖公。管勾祀事。宣和三年。特轉通直郎。除直祕閣。賜緋。仍許就任關陞。建炎四年。偕族叔傳。嫡侄玠。扈從高宗南渡。寓居衢州。紹興二年。權遣知邠州。卒於任。無子。以姪玠嗣。按。孔氏分南。北宗自此始。

弟端操。以兄南渡。留守祖庭。金初。權襲封衍聖公。生子四。瑄、璠、瑱、玠。四十九代孔璠。字文老。金天眷三年。嗣封衍聖公。管勾祀事。贈榮祿大夫。皇統二年。卒。年三十八。生子二。長拯。次總。

五十代孔拯字元濟年七歲金熙宗皇統二年除文林郎襲封衍聖公管勾祀事終通直郎世宗大定元年卒年二十六嗣絕弟總字元會大定三年繼兄襲封衍聖公管勾祀事二十一年世宗召赴闕下欲留任用力辭專奉祀事特授曲阜縣令襲封之後嚴潔祭祀敦睦親族嘗言曰生爲聖人子孫而繆當嗣職坐視隘陋寧不愧於心乎乃親率佃戶之東蒙山採伐材木增廣林廟及尼山防山殿堂廊廡五十餘楹終奉直大夫卒年五十有三贈光祿大夫生子二長元措次元紘初總年四十得子多不育夜夢異人衣冠日所生者則真爾子矣當名元措後果如其言

五十一代孔元措字夢得年十一歲金章宗明昌二年文林郎襲封衍聖公管勾祀事三年特旨令視四品其散官係八品不稱仰超授中議大夫以後襲封並准此例承安二年勒令衍聖公年及十七兼曲阜縣令仍許世襲不得別行差占世襲曲阜縣令始此貞祐二年宣宗幸汴京趨赴行在所適丁母憂遙授東平府判三年起復與隨朝職事遂授太常博士興定二年秩滿復任四年改行太常丞元光元年授同知集賢院兼前職四年秩滿復任天興元年八月通歷三考遙授泰定軍節度使兗州管內觀察使兼行太常少卿二年遷光祿大夫尋改太常卿癸巳年元陷汴梁特取元措還東平依舊襲封衍聖公主奉祀事無子以姪孫洎嗣爵洎之固子元紘孫也後洎坐罪奪爵嗣絕以元措從弟元用權襲封焉元用字俊卿初貞祐二年元措從宣宗遷於汴擬元用攝祀事及宋克平山東寶慶元年授通直郎權襲封衍聖公仙源令二年改濟州通判兼京東西道安撫司主管機宜文字元太師木華里統諸道兵至承制拜授襲封衍聖

公世襲曲阜令。給降衍聖公印。生子之全。按孔氏家譜。若愚生端立。端立生琥。琥生拂。拂生子二。長元孝。次元用。元孝生子之厚。

五十二代孔之厚。贈亞中大夫。濟寧路總管。輕車都尉。魯郡侯。生子浣。從弟之全。字工升。乙酉年。父元用從征益都。之全遂權襲封衍聖公。曲阜令。癸巳年。元措自汴還東平。依舊襲封衍聖公。之全止充曲阜令。

壬子年二月。宣差東平路行軍萬戶總管。權授襲封衍聖公。降到印信。兼曲阜縣令。年五十一卒。生子三。治。澄。濟。

五十三代孔浣。字日新。贈通議大夫。禮部尚書。上輕車都尉。魯郡侯。生子思晦。從弟治。字世安。之全長子。壬子年。代父充曲阜管民長官。中統元年。改曲阜令。四年。權主祀事。至元十三年。授承事郎。曲阜尹。兼管

諸軍與魯。仍權祀事。二十二年。授奉訓大夫。單州防禦使。二十九年。遷奉直大夫。密州知州。元貞元年。赴闕朝見。特授中議大夫。襲封衍聖公。生子思誠。罷封。改封姪思晦。

五十四代孔思晦。字明道。天資穎秀。元武宗至大中。舉孝廉。授范陽教諭。改寧陽教諭。仁宗即位。訪問孔子之後。儒臣元明善等曰。思晦嫡長。應嗣。時延祐三年六月。遂授中議大夫。襲封衍聖公。給月俸。自百緡

加至五百緡。給四品印。泰定四年。進封嘉議大夫。至順二年。改鑄三品銀印。卒年六十七。贈通奉大夫。河南江北等處行中書省參知政事。追封魯郡公。諡文肅。生子克堅。

五十五代孔克堅。字璟夫。性聰學博。善詩詞。尤工樂府。元至元六年。特授嘉議大夫。襲封衍聖公。至正八年。朝廷謂公爵與階不稱。制授中奉大夫。易以銀章。十五年。徵爲同知太常禮儀院事。攝太常卿。遂拜治

書侍御史辭歸。追拜山東廉訪使。受詔復辭歸。會山東亂。北行抵藁城。丞相賀太平奏。召入爲集賢直學士。十九年遷禮部尙書。是年冬擢爲西臺侍御史。二十二年除國子祭酒。謝病歸守祖庭。二十六年天兵取中原。我太祖高皇帝手詔趨入覲。待以賓禮而不名。賜廩祿不煩以政。郊社必至。膳肉慰勞。甚至上嘗謂曰。爾有福快活人也。政不煩爾。洪武三年以疾告。遣中使存問。日再至。疾篤。詔驛傳還家。賜白金百兩。雜綵十端。是歲三月行次邳之新安驛。卒於舟中。諸子扶柩歸葬祖墓西北。年五十有五。生子九。希學。希說。希範。希進。希麟。希鳳。希順。希尹。希贊。按孔氏分九門自此始。

五十六代孔希學。字士行。年二十一。元順宗至正五年授中奉大夫。襲封衍聖公。歲戊申。我太祖高皇帝初革元命。希學首朝京師。上清問下民。卽所歷代治理條對甚悉。上嘉之。賜雜綵六端。命回守祖庭。洪武元年十二月授資善大夫。襲封衍聖公。卒年四十有七。朝廷遣使諭祭。生子二。長訥。次諧。自後每代皆遣使諭祭。不重書。

五十七代孔訥。字言伯。洪武十六年丁父憂。以國哀赴京。將俾襲爵。以居喪乃止。十七年正月朝京師。二月二日拜襲封之命。初行誥詞。吏部奏用資善階。聖上諭之曰。旣爵公。勿事散官。但誥以織文玉軸爲異耳。遂爲故事。每歲入覲。得給符乘傳。班序列文臣首。厚其廩餼。下及僕從。皆古未有也。三十三年九月十六日。以疾卒。年四十有三。生子四。公鑑。公鐸。公鈞。公鏜。

五十八代孔公鑑。字昭文。洪武三十三年襲封衍聖公。三十五年四月初五日以疾卒。年二十三。生子彥縉。

五十九代孔彥縉字朝紳其名與字皆仁宗皇帝所命也三歲而孤甫十歲入京永樂八年十二月拜襲封之命至二十二年八月十五仁宗卽位率三氏子孫朝賀遣內官金英傳旨衍聖公來朝與正一品衣服一套鈔二十貫下程羊酒永依此例又賜第於東安門北景泰二年上幸太學詔率三氏子孫觀禮賜冠帶錦衣越三年朝會復賜三臺銀印玉帶衣織金麒麟文視一品皆異數卒年五十有五命禮部治喪工部治墳墓祖墓之左生子四承慶承吉承澤承源

六十代孔承慶六歲遭母喪盡孝旣長從三代學錄族祖克晏學所著有禮庭吟稿行世未襲爵而卒景泰六年贈襲封衍聖公生子弘緒弘泰

六十一代孔弘緒字以敬景泰六年十二月十三日襲封時年八歲延入內宮特賜金鈕麒麟圖書御篆謹禮崇德四字亦異數也成化六年因病廢以弟弘泰嗣爵生子二長聞韶次聞禮弟弘泰字以和以姪聞韶尙在襁褓不任祀事成化六年五月十一日繼兄襲封生子聞詩

六十二代孔聞韶字知德弘治十六年襲封生子二長貞幹次貞寧

六十三代孔貞幹字用濟嘉靖二十五年襲封生子尙賢

六十四代孔尙賢字象之嘉靖三十五年八月襲封生子二長胤椿次胤桂

六十五代孔胤椿字懋齡舊例應襲封者未襲封之先儒巾圓領送三氏學讀書習禮萬曆二十二年胤椿以父尙賢比照勳衛具題欽依冠帶此特典也未襲封卒以從弟胤植嗣爵乞恩改贈衍聖公

胤植字懋甲。尚賢嫡姪。天啓二年襲封。四年。熹宗幸學。遣中書舍人楊中極行取陪祀。命分獻宗聖神位。賜坐聽講。賜內酒十瓶。內庖甜食一盒。羊一牽。勅御仗一對。引二中侍。賜於賜第。又奉旨留京。除舊例下程等外。復寵賜肩輿。夫阜軍牢馬匠廩米下程。永爲定例。崇禎元年正月。加太子太保。又乞恩准廕世襲翰林院五經博士一員。奉中都宰祀。八月。加太子太傅。崇禎二年正月。今上幸學。遣中書舍人梁招孟行取陪祀。

顏氏姓譜

復聖顏子。黃帝之後也。黃帝生昌意。昌意生帝高陽。帝高陽生稱。稱生卷章。卷章生吳回。吳回生陸終。陸終生第五子曰晏安。爲曹姓。歷唐虞夏商。不能紀其傳。周武王克商。封其裔曹俠爲邾子。俠生非。非生成。成生車輔。車輔生將新。將新生訾父。訾父生夷甫。字伯顏。諡武公。夷甫生子友。別封郟。爲小邾子。因以父字爲氏。始以顏爲姓焉。爲魯附庸。故世世事魯。爲卿大夫。魯國之族。最爲蕃衍。友生爽。爲下大夫。爽生連。爲上大夫。連生噉。爲上大夫。噉生鳴。爲上大夫。鳴生音。爲司寇。音生羽。爲下大夫。羽生訓。爲下大夫。訓生簡。爲下大夫。簡生箱。爲下大夫。箱生廙。爲司寇。廙生景。爲司寇。景生恤。爲司寇。恤生求。爲司寇。求生友。爲邑宰。友生無繇。字路。爲魯卿士。少孔子六歲。孔子始教於闕里。而受學焉。娶齊姜氏。生回。於周景王二十四年庚辰冬十一月辛巳朔十六日丙申。卽魯昭公二十一年。少孔子三十歲。娶宋戴氏。生子歆。卒於周敬王三十年辛亥秋八月乙未朔二十三日丁巳。葬魯城東防山之陽。



宗子世紀

- 二代顏歆。字子林。魯大夫。葬復聖墓東十餘步。元泰定三年從祀。生子儉。
- 三代顏儉。魯大夫。元泰定三年從祀。生子威。
- 四代顏威。魯下大夫。生子朮。
- 五代顏朮。魯下大夫。生子億。
- 六代顏億。魯下大夫。生子帖。
- 七代顏帖。魯下大夫。生子卸。
- 八代顏卸。字伯仙。秦大夫。生子譽。
- 九代顏譽。秦舍人。生子產。
- 十代顏產。項羽聞其名。聘之。不受。生子異。
- 十一代顏異。字世仁。漢大夫。生子愚。
- 十二代顏愚。漢卿士。生子達。
- 十三代顏達。漢大夫。生子稔。
- 十四代顏稔。字季達。漢武帝時。爲尙書郎。會稽都尉。生子衷。
- 十五代顏衷。郡工曹從事。鞏令。生子凱。

十六代顏凱字季卿。張禹薦於朝。爲安成太守。生子遂。

十七代顏邃字景深。郡上計吏。生子倫。

十八代顏倫字茂宗。州舉茂才。生子綽。

十九代顏綽字參道。爲太守。生子準。

二十代顏準始仕爲從事。復高尚不仕。生子阮。

二十一代顏阮字懷珍。舉有道。爲著作郎。生子亮。

二十二代顏亮字世明。爲郡督郵。生子敷。

二十三代顏敷字士榮。州舉茂才。桓帝時爲御史大夫。生子二。長斐。次熾。

二十四代顏斐京兆尹。有善政。生子二。長魯。次歡。俱無嗣。弟盛字叔臺。漢尙書郎。魏歷青徐二州刺史。關

內侯。始自魯國徙居瑯琊。臨沂代傳孝恭。因號其居爲孝弟里。葬臨沂縣西七里。今屬費縣。生子欽。

二十五代顏欽字公若。明詩禮易尙書。多所通說。晉歷東平郎將。司馬。大中大夫。東莞廣陵太守。給事中。

引直禁省。封葛繹縣子。生子二。默。閔。

二十六代顏默字靜伯。汝陰太守。護軍將軍。給事。襲葛繹縣子。生子三。畿。贊。含。長次俱無後。

二十七代顏含字弘都。少有操行。以孝弟聞。本州辟。不就。晉元帝初鎮下邳。命爲參軍。過江。以爲上虞令。

轉王國郎中。丞相。東閣祭酒。出爲東陽太守。東宮初建。含以儒素篤行。補太子中庶子。黃門侍郎。歷散騎。

常侍、大司農、豫討蘇竣功、封西平縣侯、拜侍中、尋除國子祭酒、加散騎常侍、遷光祿勳、以年老遜位、成帝美其素行、就加右光祿大夫致仕、二十餘年、年九十三卒、遺命素棺薄殮、諡曰靖、生子三、髦、謙、約、

二十八代顏髦、字君道、儀狀嚴整、風貌端美、桓公見而歎曰、顏侍中、廊廟之望也、歷太尉、西陽王散騎將軍、尙書都官郎中、國大中正、給事、黃門侍郎、父老不就、襲爵西平縣侯、加給事中、晉陵臨川太守、侍中、本州大中正、加秩中二千石、光祿勳、生子三、繚、綸、暢、

二十九代顏繚、字文和、州西散騎都尉、西平縣侯、生子靜之、

三十代顏靜之、字茂宗、西中郎行參軍、宣城太守、司徒諮議、御史中丞、生子騰之、

三十一代顏騰之、字弘道、善草隸書、有風格、歷州西曹主簿、度支校尉、治書御史、巴陵太守、生子五、長興之、次炳之、

三十二代顏興之、安寧太守、生子登、弟炳之、字叔豹、以能書稱、歷韓國江夏王參軍、奉朝請、員外散騎常侍、生子見遠、

三十三代顏登、字康之、梁鄱陽王府郎中令、嗣絕、從弟見遠、字見遠、歷安成王侍郎、征西參軍、治書御史、兼中丞、正色立朝、有當官之稱、及梁武帝執政、乃以疾辭、齊和帝暴崩、見遠慟哭而絕、武帝恨之、謂朝臣曰、我自應天順人、何預天下人事、而顏見遠乃至於此、當時嘉其忠、生子協、

三十四代顏協、字子和、博涉羣書、工於草隸、飛白、以父蹈義忤時、遂仕進、梁元帝爲湘東王、引協爲記室

參軍撰晉仙傳五篇、日月災異圖三卷、文集二十卷、梁元帝後著懷舊志及詩稱贊其美、生子四、長之儀、季之推。

三十五代顏之儀、字子升、三歲能讀孝經、及長博涉羣書、好爲詞賦、嘗獻神州頌、辭致雅贍、梁元帝手勅褒之、江陵平、隨遷長安、周高祖初建儲宮、盛選師傅、以之儀爲侍郎、卽拜小宮尹、封平陽縣男、宣帝卽位、遷上儀同、大將軍御正、中大夫、進爵爲公、卒年六十九、有文集十卷、行于世、生子二、長禛、次景、俱無後、季弟之推、字子介、年十二、值湘東王繹自講莊老、便預門徒、虛談非其所好、還習禮傳、博覽羣書、無不該洽、詞情典麗、甚爲西府所稱、繹以爲常侍參軍、梁元帝立、以爲散騎侍郎、後爲周軍所破、值河水暴長、具船將妻子奔齊、顯祖見而悅之、卽除奉朝請、引於內館中、侍從左右、尋遷通直散騎常侍、俄領中書舍人、尋除黃門侍郎、齊亡、入周、爲御史上士、隋開皇中、召爲學士、甚見禮重、尋以疾終、有文三十卷、撰家訓二十篇、並行於世、生子思魯。

三十六代顏思魯、字孔歸、博學善屬文、尤工訓詁、歷北齊衛府參軍、隋校書郎、唐武德初、拜秦王府記室參軍、生子四、長籀、次相時、勤禮、育德、皆歷顯官、相時爲禮部侍郎、勤禮爲虢州刺史、生子昭甫、爲汝南太守、生子二、長元孫、爲豪州刺史、次惟貞、爲太子文學、元孫生子五、長春卿、爲偃師丞、次杲卿、爲常山太守、惟貞生子七、次子允南、爲正議大夫、第六子眞卿、爲太子太師、第七子允臧、爲太子中允、三十七代顏籀、字師古、其先本居瑯琊、世仕江左、及之推、歷事周齊、齊滅、始居關中、師古少傳家業、博覽

羣書尤精訓詁善屬文。隋仁壽中授安陽尉。尋坐事免歸長安。十年不得調。家貧以教授爲業。及高祖起義師。從父思魯至長春宮謁見。授朝散大夫。從平京城。拜燉煌公府文學。再遷中書舍人。專掌機密。于時軍國多務。凡有制誥皆成其手。太宗踐祚。擢拜中書侍郎。封瑯琊縣男。後坐事免。太宗以經籍去聖久遠。令師古於祕書省考定五經。師古多所釐正。諸儒重加詳議。莫不歎服。頒行天下。令學者誦習。尋拜祕書少監。奉詔撰定五禮。禮成。進爵爲子。復命註班固漢書。解釋詳明。深爲學者所重。有詔編之祕閣。俄遷祕書監。弘文館學士。十九年。從駕東巡。道病卒。年六十五。諡曰戴。有集六十卷。其所著漢書及急就章行於世。生子趨庭。揚庭。

三十八代顏趨庭。字茂實。文皇帝挽郎。朝散大夫。職方郎。吉州刺史。生子尙賓。

三十九代顏尙賓。右率府親衛。鄜州司功監。州錄事。下邳令。生子鼎。

四十代顏鼎。生子迢。

四十一代顏迢。生子傳贊。

四十二代顏傳贊。生子旻。

四十三代顏旻。生子五。長君則。無嗣。次君佐。君雅。

四十四代顏君佐。金鄉丞。生子文威。弟君雅。生子二。長文蘊。次文鐸。

四十五代顏文威。生子承祐。從弟文鐸。贈太常。平原郡節度副使。生子衍。

四十六代顏承祐生子二長崇德無嗣次仲昌從弟衍字祖德梁龍德中擢第解褐授北海主簿以治行開歷臨濟鄒平令晉祖時拜殿中俄遷都官員外郎充河陽三城節度副使因父疾遂棄官晉祖復召爲工部郎中樞密直學士連使促召至闕踰年上表請還侍養授青州行營司馬丁父憂哀毀甚俄召爲駕部郎中鹽鐵判官以母老懇辭有詔止守本官未幾復出爲天平軍節度副使開運末授左諫議大夫權判河南府召拜御史中丞復抗表求侍養詔書褒許卽與其母東歸周廣順初起爲尙書右丞俄充端明殿學士太祖征兗州以衍權知州事歸朝權知開封顯德初上表求解官授工部尙書放歸鄉里卒年七十四生子禮

四十七代顏仲昌淳化二年講五經賜第仕終南京判官以曾孫岐任執政贈太子少保生子太初從弟禮父任爲巡官生子端

四十八代顏太初字醇之少博學有雋才慷慨好義善爲詩多譏切時事文宣公孔聖祐卒無子除襲封且十年太初致書參知政事蔡齊齊爲言於上遂以聖祐弟襲封登進士授臨晉主簿後移應天府戶曹參軍南京國子監說書生子長復次公弼熙寧二年進士華縣令隨登進士三原縣丞從弟端祥符元年帝行幸曲阜以竟國公後特授郊社齋郎終桂陽司理生子繼

四十九代顏復字長道嘉祐中詔郡國敦訪遺逸京東以復言凡試於中書二十有一人考官歐陽修奏復第一賜進士爲校書郎知永寧熙寧中爲國子直講元祐初召爲太常博士遷禮部員外郎兼崇正殿

說書進起居舍人兼侍講拜中書舍人兼國子監祭酒未踰年以疾改天章閣待制卒年五十七生子六  
曉岐嶠嶸嶠嶠嶠岐字夷仲官至門下侍郎兼資正殿學士正奉大夫魯郡侯自曉以下子孫建炎四年俱  
扈從高宗南渡從弟繼登進士世居陋巷故宅生子昌

五十代顏昌生子肇

五十一代顏肇生子价

五十二代顏价生子順

五十三代顏順生子寶

五十四代顏寶生子椿

五十五代顏椿中書生子之美

五十六代顏之美字宗德天成縣教諭益都路學正廬州路教授東明縣尹生子池

五十七代顏池字德裕山陽縣主簿宣德府教授國朝洪武十五年以三氏學教授主奉祀事生子二長  
拳次幹

五十八代顏拳字克膺主奉祀事年五十七卒生子希仁

五十九代顏希仁字士元正統十一年欽定主奉祀事卒年六十一生子三議讚諭族弟希惠景泰二年  
行取復聖公子孫特授翰林院五經博士後以不係嫡派奉旨黜罷

六十代顏議字定伯。因正統以後宗系紊亂。天順壬午。辨正。仍授翰林院五經博士。俾世襲主奉祀事。成化元年乙酉。憲宗視學。勅禮官行取陪祀。上御文華殿。面賜冠帶宮錦襲衣。宴於禮部。於時朝賀未有宅第。議入奏可之。賜第於東安門外。入覲馳驛。定爲常例。卒年七十六。生子三。公鉉、公銅、公鉞。

六十一代顏公鉉字宗器。成化戊戌。世襲前職。卒年八十一。生子五。重德、重禮、重道、重賢、重式。

六十二代顏重德字尙本。正德壬申。世襲前職。卒年五十九。生子從祖。

六十三代顏從祖字守嗣。嘉靖九年。世襲前職。卒年四十二。無後。從弟肇先字啓源。嘉靖四十一年。世襲前職。生子嗣慎。

六十四代顏嗣慎字用修。萬曆六年。世襲前職。卒年六十。生子三。胤宗、胤祚、胤祿。

六十五代顏胤宗字養蒙。未襲職。卒。生子二。長伯貞。次伯廉。弟微祚字永錫。萬曆十七年。代襲前職。及兄子伯貞長。讓職致仕。

六十六代顏伯貞字叔節。萬曆二十七年。世襲前職。卒。弟伯廉字叔清。以兄卒。子幼。不任祀事。萬曆三十四年。代襲前職。及兄子光魯長。讓職致仕。

六十七代顏光魯字宗旦。天啓二年。世襲前職。四年甲子。熹宗幸學。勅中書舍人楊中極行取陪祀。上御文華殿。面賜冠帶祭服官錦襲衣。賜宴於禮部。崇禎二年正月。今上幸學。勅中書舍人梁招孟行取陪祀。



宗聖曾子。夏禹之後也。禹治水有功。受舜禪而有天下。生子啓。啓生仲康。仲康生帝相。帝相生少康。少康生次子曲烈。始封國於鄆。子爵。歷夏商周。世次無考。魯僖公十有四年。卽周襄王六年也。鄆始見於春秋。魯襄公六年。邾人莒人滅鄆。鄆世子巫奔魯。去邑而爲曾氏。子孫始以曾爲姓焉。三桓家臣曾天。曾昇。其後也。巫凡數傳。生點。字子皙。點生參。於周敬王十五年丙申冬。卽魯定公五年也。少孔子四十六歲。年十六。孔子在楚。父命之楚。受學焉。資質篤實。力學純固。故於聖人之道。獨得其宗。生子三。長元。次申。華。俱從祀萊蕪侯廟庭。

### 宗子世紀

二代曾元。從祀萊蕪侯廟庭。生子西。

三代曾西。生子欽。

四代曾欽。生子導。

五代曾導。生子羨。

六代曾羨。生子遐。

七代曾遐。生子二。長偉。次盈。漢東陽太守。

八代曾偉。漢尚書令。生子樂。

九代曾樂。漢山陰縣都鄉侯。生子況。

十代曾澗生子二長旃次光光後爲長沙房。

十一代曾旃生子嘉。

十二代曾嘉生子二長寶次頊家扶風生子二長玉家冀州後爲冀州房次昌家青州後爲青州房。

十三代曾寶漢武威太守車騎侍郎生子琰。

十四代曾琰生子據。

十五代曾據西漢末避王莽之亂挈族南遷散居江西南豐廬陵諸郡生子二長闡次瑒徙處州。

十六代曾闡生子植。

十七代曾植生子耀。

十八代曾耀諫議大夫生子培。

十九代曾培生子德。

二十代曾德生子珣。

二十一代曾珣生子渙。

二十二代曾渙景陽侯生子梓。

二十三代曾梓生子纁。

二十四代曾纁鎮南軍司馬生子端。

二十五代曾端生子二長鉉次道始梁車騎大將軍開國侯遷交州

二十六代曾鉉生子海

二十七代曾海生子二長橫次琦黃門侍郎

二十八代曾橫生子興

二十九代曾興生子隆

三十代曾隆生子鈞

三十一代曾鈞生子謀

三十二代曾謀生子丞

三十三代曾丞生子三長珪次舊徙雲蓋次略徙撫州樂安是爲南豐曾氏

三十四代曾珪生子寬

三十五代曾寬生子莊

三十六代曾莊唐侍御史江州都押衙生子慶

三十七代曾慶唐御史大夫生子二長偉次駢生子耀

三十八代曾偉御史大夫吉州都押衙生子輝吳散騎常侍鎮南節度銀青光祿大夫國子祭酒兼御史

中丞上柱國傳十五世孫榮登永樂甲申狀元第鼎中永樂辛卯江西解元壬辰進士

三十九代曾耀，拜真州刺史，生子崇範。

四十代曾崇範，家居竈薪不屬，讀書自若，家藏九經子史，南唐郡侯賈匡皓，薦爲太子洗馬，東宮使，生子延膺。

四十一代曾延膺，膺授部驛使，兼資庫使，太宗陞左班殿直，果州兵馬都監，澄修吉州團練，生子五頌、頰、頤、顏，咸平五年登第，官至筠州錄參，顏咸平五年與兄頤同第，官至循州團練判官。

四十二代曾頤，淳化三年登第，黃州從事，南雄州軍事判官，榮州觀察判官，朝奉郎，大理丞，生子承昌。

四十三代曾承昌，生子萬敵。

四十四代曾萬敵，生子公整。

四十五代曾公整，生子九思。

四十六代曾九思，生子文傑。

四十七代曾文傑，生子好古。

四十八代曾好古，生子尙忠。

四十九代曾尙忠，生子敬父。

五十代曾敬父，生子元德。

五十一代曾元德，生子价翁。

五十二代曾价翁。生子汝霖。  
五十三代曾汝霖。生子崇文。  
五十四代曾崇文。生子利賓。  
五十五代曾利賓。生子輔志。  
五十六代曾輔志。生子德胄。  
五十七代曾德胄。生子奮用。  
五十八代曾奮用。生子質粹。  
五十九代曾質粹。生長於江西吉安府永豐縣。國朝嘉靖十二年四月。詹事府掌府事吏部左侍郎兼翰林院學士顧鼎臣奏稱。堯舜禹湯文武周公之道。傳至孔子而大明。孔子傳之曾子。曾子傳之子思。子思傳之孟子。今顏孟子孫皆世襲博士。而曾子之後。獨不得沾一命之榮。豈非古今之闕典也哉。乞准照弘治間顏孟二氏事例。訪求曾氏子孫相應者一人。授以翰林院五經博士。世世承襲。奉世宗肅皇帝聖旨。以曾子孔門大賢。不可無後。禮部咨行江西撫按官。督同布按二司。保勘質粹。起送回籍。徙居山東兗州府嘉祥縣。以衣巾奉祀曾子祠墓。至嘉靖十八年二月初八日。奉聖旨。准比照顏孟二氏例。授翰林院五經博士。仍與世襲。嘉靖三十九年卒。生子昊。  
六十代曾昊。未襲職卒。生子繼祖。

六十一代曾繼祖。字繩之。少病目。兼以父祖連喪。遷延未得請襲。時有江西曾袞。以應貢到京。見有可乘之機。具本奏。下禮部。先被參格。不行。後歷教官。陞湖廣攸縣知縣。以賊敗官。遂挾囊金大肆營求。輒得臆隴襲職。繼祖具奏。奉聖旨。禮部知道。該吏科等科都給事中劉不息等。山東等道掌道事湖廣道御中劉光國等。參勘得嘉靖十二年間。江西提學副使徐階。面審曾嵩與弟曾袞。俱稱生長南方。不願北徙。載在江西布政司回咨。咨呈司府。查得惟曾質粹欣然請行。乃得結勘起送到部。以衣巾奉祀數年。始得蒙聖上特恩。授以世官。是曾子千數百年以來無後而有後。自質粹始也。曾子之後。千數百年以來無官而有官。亦自質粹始也。承祧已定。事奚可疑。又查得吏科給事中李盛春原論。曾袞不可襲爵。五議乞行勘究。改正。仍歸曾質粹之後。將會袞削奪官爵。命回原籍。於是繼祖得仍舊主奉祀事。生子承業。

六十二代曾承業。字洪福。萬曆五年八月二十三日。世襲前職。天啓四年。熹宗幸學。勅中書舍人楊中極。行取陪祀。上御文華殿。面賜冠帶祭服。宮錦襲衣。賜晏於禮部。生子一弘毅。

六十三代曾弘毅。字口口。崇禎元年八月。世襲前職。二年正月二十日。今上幸學。勅中書舍人梁招孟。行取陪祀。賜宮錦襲衣。晏於禮部。

孔氏世襲翰林院五經博士一人

述聖子思子書院。在兗州府鄒縣南門外。舊名中庸精舍。相傳卽孟子受業處也。國朝弘治十六年。題准以衍聖公次子世襲翰林院五經博士。奉子思子書院祀事。每歲春秋二祭。博士赴鄒縣主祭。

博士題名

孔聞詩字知言六十二代係衍聖公弘泰長子以父代兄襲封弘治十六年恩廕前職

孔聞禮字知節六十二代係衍聖公弘緒次子正德元年世襲前職

孔貞寧字致用六十三代係衍聖公聞韶次子嘉靖二十五年世襲前職

孔胤桂六十五代係衍聖公尙賢次子萬曆二十二年世襲前職

孔胤隆字懋德六十五代天啓四年聖公舉任前職本年熹宗幸學勅中書舍人楊中極行取陪祀上御

文華殿面賜冠帶祭服宮錦襲衣賜宴於禮部

孔尙達號太宗六十四代天啓四年聖公舉任前職崇禎二年正月二十日今上視學遣中書舍人梁招

孟行取陪祀賜冠帶宮錦襲衣宴於禮部

孔氏南宗世襲翰林院五經博士一人

先師四十八代孫孔端友乃宋神宗熙寧元年襲封衍聖公若蒙之長子也字子交哲宗元祐元年除朝

奉郎徽宗從寧三年襲封衍聖公建炎四年偕族叔孔傳嫡姪孔玠扈從高宗南渡寓居浙江衢州府西

安縣遂家焉紹興二年權遣知邠州卒於任無子以玠字錫老金初襲封衍聖公端操第四子紹興二

年授承事郎襲封衍聖公六年詔權以衢州學爲孔氏家廟賜祭田專主奉廟祀事生子四搢字季紳

紹興二十四年襲封衍聖公生子文文遠字紹先熙寧四年襲封衍聖公生子二萬春長名搢搢字季紳

衍聖公。

生子名洙。

洙字景清。宋襲封衍聖公。元世祖至元十九年奉旨召赴闕。辭爵。提國子祭酒。提舉浙東

道學校事。卒年六十。無子。自端友至洙。襲封凡六世。正嗣絕。始罷封焉。

今之裔族皆中興祖仁玉五代孫孔傳之後也。

仁玉字溫如。

子四。宜。憲。冕。昂。

昂字自牧。宋雍熙二年進士及第。以殿中丞通判廣州。累遷秘書監。祥符二年以太常博士

知仙源縣事。後以尚書工部侍郎致仕。卒。贈吏部尚書。

生子五。長道輔。

道輔字原魯。宋咸平元年賜進士出身。

為寧州軍事推官。數與州將爭事。有蛇出天慶觀真武殿中。一郡以為神。州將帥官屬往奠拜之。欲上其

事。道輔徑前以笏擊蛇碎其首。祥符九年遷大理寺丞。知仙源縣。主管廟祀。再遷太常博士。章獻太后臨

朝。召為左正言。未幾除右司諫。龍圖閣待制。奉使契丹。歷知青鄆徐許四州。權御史中丞。後出知秦州。徙

徐州。又徙兗州。進龍圖閣直學士。遷給事中。在兗三年。復入為御史中丞。為宰相張士遜所陷。出知鄆州。

行至韋城。病卒。仁宗憫其忠。特贈尚書工部侍郎。

生子二。長舜亮。

舜亮即宗亮。宋嘉祐四年進士及第。慶曆五

年知仙源縣事。

生子名傳。

傳一名若古。字世文。舜亮之第三子。精於易學。宋元祐四年任仙源縣主簿。十八

年改任仙源縣尉。建炎四年同端友南渡。率族人拜疏闕下。敘家門故事。除知邠州。改峽州。又知撫州。累

官中散大夫。年七十五卒。葬衢州府城北孝弟里。

生子端問。端已。端植。端隱。端位。兄弟齊芳。號為五龍。

端問字子誠。官從政郎。端

已字子正。官奉議郎。年八十一卒。贈少保。端植字子固。嘗宰鄂之通城。民至今思之。終通直郎。端隱字子

宣。宋紹興間登進士。文林郎。江陵府觀察推官。歷官十載。清慎自持。卒於官。子璫隨任。以金侵雖還。卜葬

於屬縣句容之福祚鄉。因家焉。

萬曆四十一年會魁孔貞時。四十年榜眼孔貞運。是其後也。

端位字子著。儒林郎。常德府錄事參軍。宋高



宗南渡之後。當時遂分爲南北宗。宋人則祀孔子於衢州。金人則祀孔子於曲阜。俱世襲封爵。元時始廢衢封。至我朝混一天下。既以上公之爵命襲於魯。復以博士之職命襲於衢。天札一頒。增輝兩地。褒崇之典。誠卓越於千古矣。

### 博士

孔彥繩。五十九代。弘治六年。衢州府知府沈杰奏請。詔授世襲翰林院五經博士。奉衢州孔子家廟祀事。

### 孟氏姓譜

亞聖孟子。帝嚳之後也。帝嚳生后稷。始教稼穡。以粒蒸民。堯封之郟。賜姓姬。是爲姬姓之祖。凡十六傳。至周文王。當商之季。三分天下有其二。生子發。是爲武王。遂克商而有天下。武王封弟周公旦於魯。留輔王室。其元子伯禽。成王元年。就封之國。伯禽生煬公。煬公生魏公。魏公生獻公。獻公生武公。武公生伯御。伯御生孝公。孝公生惠公。惠公生桓公。桓公生子四。長爲莊公。其次庶子慶父。叔牙。季友。是爲三桓。慶父之後。初號仲孫。其後更稱孟孫。示不敢伯仲莊公也。故自以庶長爲孟。始以孟爲姓焉。傳世至孟激。字公宜。娶仇氏。生軻於周烈王四年己酉四月初二日。卽魯共王五年。在孔子沒之後三十五年也。是夕。母夢神人乘雲。扳龍鳳。自泰山來。將止於嶧。母凝視久之。忽見片雲墜。而寤。時閭巷皆五色雲覆。孟氏居焉。娶田氏。生子一。享年八十有四。卒於周赧王二十六年壬申十一月十五冬至之日。鄒人因哭孟子而廢賀冬之禮。遂以成俗。葬於鄒縣東北三十里四基山之陽。

宗子世紀

二代孟仲子嘗從學於公孫丑。趙岐以爲孟子之從昆弟。未深考也。

三代孟睪。

四代孟寓。

五代孟舒。漢高祖九年爲雲中太守。

六代孟之後。

七代孟昭。博覽經史。該貫古今。仕漢爲博士。

八代孟佶。漢武帝時爲太子門大夫。漢書作廣州人。

九代孟卿。漢武帝時爲太傅。漢書作東海蘭陵人。

十代孟喜。字長卿。父卿以禮經春秋煩雜。乃使喜從田王孫受易。漢宣帝舉孝廉。拜爲郎。遷曲臺署長。所

著周易章句十卷。

十一代孟鎡。

十二代孟興。仕漢爲尙書。

十三代孟嘗。字伯周。少修操行。仕郡爲戶曹史。上虞有寡婦。至孝養姑。姑年老壽終。夫女弟先懷嫌忌。乃

誣婦厭苦供養。加鳩其母。列訟縣庭。郡不加尋察。遂結竟其罪。嘗先知其枉狀。備言之於太守。太守不爲

理嘗哀泣門外。因謝病去。婦竟冤死。自是郡中連旱二年。禱請無所獲。太守殷于到官。訪問其故。嘗詣府具陳寡婦冤誣之事。因曰。昔東海孝婦。感天致旱。于公一言。甘澤時降。宜戮訟者。以謝冤魂。庶幽枉獲伸。時雨可期。于從之。卽刑訟女。而祭婦墓。天應澍雨。穀稼以登。漢章帝時。策孝廉舉茂才。拜徐令。州表其能。遷合浦太守。年七十卒于家。後漢書曰。會稽上虞人。

十四代孟展。字君誠。

十五代孟軾。漢桓帝時。爲濟陰太守。靈帝卽位。進太常。熹平六年。轉太尉。漢書作河南人。

十六代孟敏。字叔達。客居太原。荷甑墮地。不顧而去。郭林宗見而問其意。對曰。甑已破矣。視之何益。林宗以此異之。因勸令遊學。十年。知名。三公俱辟。並不屈。漢書作鉅鹿楊氏人。

十七代孟光。字孝裕。漢靈帝末。爲講部吏。昭烈定蜀。拜爲議郎。與許慈等並掌制度。後主踐祚。爲符節令。屯騎校尉。長樂少府。遷大司農。延熙九年秋。大赦。光於衆中責大將軍費禕曰。夫赦者。偏枯之物。非明世所宜有也。衰敝窮極。必不得已。然後乃可權而行之耳。今主上任賢。百僚稱職。有何旦夕之危。倒懸之急。而數施非常之恩。以惠姦宄之惡乎。竊謂法難以經久。禕但顧謝踟躇而已。光之指擿痛癢。亦如是類。故執政重臣。心不能悅。爵位不登。年九十餘卒。蜀志作河南洛陽人。

十八代孟康。字公休。魏明帝時。爲散騎侍郎。正始中。出爲弘農太守。嘉平末。徙渤海太守。徵入爲給事中。散騎常侍。遷中書令。後轉爲監。封廣陵亭侯。著漢書音義九卷。魏略作安平人。

十九代孟宗字恭武嘉禾中為監池司馬遷吳令奉母至孝母嗜筍冬節將至時筍尚未生宗入竹林哀歎而筍為之出得以供母人皆謂至孝之所感永寧中遷光祿勳御史大夫寶鼎三年進為司空吳錄作江夏人又

其德生子皆以孟為字

二十代孟楫晉惠帝時為廬陵太守

二十一代孟觀字叔時晉惠帝時為殿中郎後為黃門侍郎晉書作渤海東平人

二十二代孟嘉字萬年娶大司馬陶侃第十女舉秀才為安西大將軍庾翼府功曹再為江州別駕巴丘令征西大將軍譙國桓溫參軍溫甚重之奉使京師除尚書刪定郎不拜孝宗穆皇帝聞其名賜見東堂辭以脚疾不任拜起詔使人扶入年五十一終於家陶淵明傳作武昌新陽人宗之曾孫與晉書同

二十三代孟懷玉居京口晉末孫恩叛宋高祖劉裕伐之以懷玉為建武司馬功封鄱陽縣侯食邑千戶高祖鎮京口懷玉為鎮軍參軍下邳太守義熙三年出為寧朔將軍西陽太守又封陽豐縣男食邑二百五十戶復為太尉咨議參軍征虜將軍八年遷江州刺史十一年卒於官年三十一追贈平南將軍宋書云

懷玉平昌安丘人

二十四代孟表字武達仕南齊為馬頭太守元魏太和十八年歸魏孝文帝除輔國將軍南兖州刺史領馬頭太守賜爵譙縣侯鎮渦陽封汝陽縣開國伯食邑五百戶遷征虜將軍濟州刺史為散騎常侍光祿大夫進號平西將軍世宗末隆平東將軍濟州刺史延昌四年卒年八十一贈安東將軍兖州刺史諡曰

恭。北齊作濟北蛇丘人。

二十五代孟斌。事元魏孝文帝。爲右丞。

二十六代孟威。字能重。永平中。爲龍驤將軍。出使高昌。還。遷城門校尉。直閣將軍。進散騎常侍。加平北將軍。光祿大夫。復加撫軍將軍。普泰中。除大鴻臚卿。尋加驃騎大將軍。左光祿大夫。天平三年卒。贈使持節。侍中。本將軍。都督冀瀛滄三州諸軍事。司空公。冀州刺史。魏書作河南洛陽人。

二十七代孟恂。

二十八代孟儒。

二十九代孟景。隋煬帝時。爲鷹揚郎將。

三十代孟善誼。隋恭帝時。爲河內通守。

三十一代孟說。唐高宗朝。擢進士第。累遷鳳閣舍人。武后時。出爲臺州司馬。遷春官侍郎。相王召爲侍讀。拜同州刺史。神龍初。致仕。居伊陽山。其居爲子平里。開元初卒。年九十三。唐書作汝州梁人。

三十二代孟太融。唐玄宗時。屢召不就。隱王屋山。

三十三代孟浩然。少好節義。喜振人患難。隱鹿門山。年四十。乃遊京師。嘗於太學賦詩。一座歎服。無有能抗張九齡。王維。雅稱道之。維私邀入內署。俄而唐玄宗至。浩然匿床下。維以實對。帝喜曰。朕聞其人而不見也。何懼而匿。詔浩然出。帝問其詩。浩然再拜自誦所爲。至不才明主棄之句。帝曰。卿自不求仕。朕未嘗

棄卿。李何誣我。因放還。開元末。病疽背卒。唐書作襄州襄陽人。

三十四代孟雲卿。唐肅宗朝。爲校書郎。

三十五代孟華。唐德宗朝。爲檢較兵部郎中。兼侍御史。按三遷志以孟郊爲世系。殊誤。今依家譜及石刻正之。

三十六代孟常謙。唐德宗朝。爲義成軍中軍兵馬使。憲宗加朝議大夫。安州刺史。仍加侍御史。安州防遏

兵馬使。貶柳州司馬。年六十卒。柳子厚誌其墓。按三遷志。常謙誤。作常謙。今正之。

三十七代孟遵慶。

三十八代孟瑄。唐元和末。屢薦不仕。

三十九代孟方立。唐僖宗朝。爲昭義節度留守。

四十代孟承誨。後晉少帝時。爲太府卿。天福八年。嘗使契丹。

四十一代孟漢卿。後周世宗時。爲左羽林大將軍。

四十二代孟貫。

四十三代孟昶。

四十四代孟公齊。少勵高行。不樂仕進。避亂東山。

四十五代孟寧。宋仁宗景祐四年。孔道輔薦於朝。特授鄒縣主簿。奉祀孟子。其族稱之爲中興祖。生子二。

長堅。次存。

四十六代孟堅。德學俱優。特授徐州知州。

四十七代孟寬。

四十八代孟欽。

四十九代孟津。

五十代孟德義。登進士第。授魚臺縣尹。辭秩。

五十一代孟允祖。

五十二代孟惟恭。字彥通。弱冠能文。不求宦達。遇事有謀善斷。暨主祀事。能幹置。於繼述之事。尤倦倦焉。大定五年五月。中書撥付祭田。以頃計者三十。官錢以緡計者三千有奇。收貯貫粒。其籩豆疊洗。備春秋奠。以其贏行貸。計其子母所入。次第典創正殿。塑亞聖像。建兩廡。作櫺星門。重三門。構講堂。西齋。神廚。庫房。繚以周垣。約百餘丈。築斷機堂于中庸書院之西北。登暴書臺。又刻加封亞聖制碑。及宗枝圖林廟碑。大小凡三十餘焉。至正九年卒。年七十有六。本縣令桂孟誌其墓。

五十三代孟之訓。字曾甫。元至正間。仕爲單父教諭。秩滿。陞莒州學正。值兵興。棄職歸家。又避地蔚州而卒。

五十四代孟思諒。洪武元年。詔授鄒縣主簿。有吏才。剏正祀典。修祠理墓。多所幹濟。

五十五代孟克仁。字信夫。以子希文授翰林院五經博士。天順三年十二月二十一日。贈如其官。

五十六代孟希文。字士煥。景泰三年。欽授孟子後世襲翰林院五經博士。主奉祀事。生子二元。亨。天順二年。顯希憲入朝。時上御文華殿。有旨召入殿內。親承顧問。上曰。恁幾時來。希憲未喻其旨。對曰。臣從家裏來。希文上前對曰。臣但遇萬壽聖節便來。上指希憲曰。這到也老實。又指希文曰。你是孟子後。還有英氣在。命賜優舉。復賞彩段二疋。花銀一錠。

五十七代孟元。字長伯。弘治二年。世襲。生子公緊。

五十八代孟公肇。字先文。因從弟公緊幼不克主祀。嘉靖二年。代襲前職。生子二。長彥繼。次彥緒。公緊字橐文。嘉靖十二年。世襲前職。生子彥璞。

五十九代孟彥璞。字朝璽。隆慶元年。世襲前職。萬曆二十六年六月初一日。卒。生子承光。

六十代孟承光。字永觀。萬曆二十九年三月初一日。世襲前職。天啓二年。值妖賊之變。三世死節。詔贈太僕寺少卿。母孔氏。贈恭人。次子世襲錦衣衛千戶。詳具諭祭碑文。

六十一代孟弘略。字口口。天啓二年。同父死節。詔贈太僕寺寺丞。子聞玉。少不克主祀事。以弟弘譽代襲前職。四年。熹宗幸學。勅中書舍人楊中極。行取陪祀。上御文華殿。面賜冠帶。祭服宮錦襲衣。賜宴於禮部。崇禎二年正月二十日。今上幸學。勅中書舍人梁招孟。行取陪祀。二月。改襲錦衣衛正千戶。

六十二代孟聞玉。字□□。崇禎二年□月。世襲前職。



# 聖門志卷之三

## 曲阜縣世職知縣一人

按史漢以前曲阜爲魯國。故有從事督郵之官。隋改爲曲阜縣以後。則有令。至宋以京朝官知縣事。故有以殿中丞知縣事者。有以光祿丞知縣事者。眞宗祥符二年。改曲阜曰仙源。仁宗皇祐三年。詔自今仙源縣官。復於孔氏子孫中選用。徽宗崇寧間。又詔文宣王後。當聽一人。注兗州仙源縣官。故有丞有簿有尉。大抵皆世官也。金天會七年。改仙源仍爲曲阜。金末及元時。常以衍聖公兼知縣事。故有世襲縣尹。至國朝洪武七年。革世襲。始改爲世職。俱聽衍聖公保舉。族人之賢者。咨部選授。萬曆元年。兩院題准。挨取孔姓廩生六名。學道考選四名。送兩院。兩院考選二名。送吏部。吏部考選一名。除授前職。舊係世職。不與黜陟。以故不在應朝之例。萬曆四年。撫按題准。如流官事例。依期應朝。聽候考察。以後永爲遵守。蓋於厚聖裔之中。又有飭吏治之意也。

## 歷朝世職題名

漢

孔澍。字君德。十八代。元帝永元間。爲魯從事。

孔浮。二十代。延熹中。任東魯督郵。

孔綱。二十代。延熹中。任東魯督郵。  
孔承。二十代。延熹中。任東魯督郵。

唐

孔緒。四十代。任曲阜縣令。

孔昭儉。四十一代。累宰曲阜。

後唐

孔仁玉。字溫如。四十三代。任曲阜縣主簿。兩考滿。陞縣令。襲封文宣公。後周廣順二年。駕幸林廟。復授曲

阜縣令。兼監察御史。

宋 真宗祥符二年。改曲阜曰仙源。

孔宜。字不疑。仁玉長子。乾德四年。詣闕上書。述其世家。召見。授曲阜縣主簿。奉祀事。

孔延世。字茂先。宜長子。至道三年。授曲阜縣主簿。秩滿。陞福州閩縣令。調許州長葛。真宗卽位。呂端奏召

見。改授曲阜縣令。襲封文宣公。

孔勗。字自牧。宜第四子。雍熙二年。進士及第。祥符二年。以太常博士知仙源縣事。

孔延魯。四十五代。祥符四年。知仙源縣事。主管祠廟。

孔道輔。字原魯。勗長子。咸平元年。賜進士出身。祥符九年。以大理寺丞知仙源縣。主管祠廟事。

孔聖祐。四十六代。大中祥符元年同進士出身。天禧五年。以光祿丞襲封文宣公。知仙源縣事。

孔宗亮。卽舜亮。道輔長子。嘉祐四年進士及第。慶曆五年。以匠作監丞知仙源縣事。

孔彥輔。字德甫。四十五代。慶曆八年。任仙源縣主簿。秩滿。除將作監主簿。告養親。十五年。服闋。知仙源縣事。

孔宗翰。字周翰。道輔次子。登進士第。嘉祐元年。知仙源縣事。元祐初。召爲司農少卿。遷鴻臚少卿。上言。孔

氏子孫。世襲公爵。兼領他官。不在故郡。請自今襲封之人。使終身在鄉里。以奉祭祀。詔改衍聖公爲奉聖公。不領他職。給廟學田萬畝。賜國子監書。立學官。以誨其子弟。進刑部侍郎。

孔宗壽。四十六代。治平四年。任仙源縣主簿。紹聖元年。知仙源縣事。

孔若蒙。字公明。四十七代。熙寧元年。任仙源縣主簿。

孔若升。字公漸。四十七代。元豐元年。任仙源主簿。

孔若古。字世文。後改名傳。舜亮第三子。元祐四年。任仙源縣主簿。八年。改任仙源縣尉。建炎四年。扈從高

宗南徙。寓居衢州。遂爲衢族之始祖。

孔若谷。字公應。四十七代。大觀二年。任仙源縣丞。

孔若哲。字公智。四十七代。政和三年。以從事郎就差仙源縣丞。

孔燠。四十八代。宣和五年。以通直郎任仙源縣丞。終承議郎。

孔端問字子誠傳長子宣和七年以迪功郎任仙源縣丞。

孔元用字俊卿五十一代寶慶元年以通直郎權襲封衍聖公任仙源縣令。

天會七年改仙源仍爲曲阜。

孔若鑑字公謹四十七代天會八年以迪功郎任曲阜縣主簿奏免賜田稅課。

孔瑀四十九代皇統二年以登仕郎任曲阜縣主簿。

孔瓌四十九代皇統五年以將仕郎任曲阜縣主簿。

孔玖四十九代天德二年以忠勇校尉任曲阜縣尉。

孔思逮字進道五十四代世宗大定初入覲授承事郎曲阜縣令。

孔總字元會五十代大定三年襲封衍聖公管勾祀事二十二年世宗召赴闕下特授兼曲阜縣令。

孔克昌字耆夫五十五代章宗承安二年任曲阜縣令十年勅令衍聖公年及十七兼曲阜縣令仍許世襲不得別行差占世襲曲阜令始此。

元

孔元用見前太祖十五年木華黎平山東承制以故宋縣令起授襲封衍聖公世襲曲阜縣令。

孔之全字工升元用子乙酉年襲封衍聖公曲阜縣令。

孔治字世安之全長子中統元年以曲阜管民長官改曲阜令四年權主祀事至元十三年授承事郎曲阜

阜尹兼管諸軍與魯仍權祀事。

孔思誠字治道五十四代至元二十二年授從事郎襲曲阜縣尹。

孔濟字世美之全第三子延祐二年授承事郎曲阜縣尹。

孔思觀字恒道五十四代至治二年由國子生襲曲阜縣尹。

孔克欽字敬夫五十五代至元四年襲曲阜縣尹。

孔希大字士功五十六代至正十二年以從仕郎襲曲阜縣尹十八年改祕書郎辟中書省掾承直郎翰林院都事調承德郎大郎正府都事。

孔希章字士憲五十六代至正二十三年以從仕郎襲曲阜縣尹。

### 國朝

孔希大見前洪武元年以故元縣尹起改承事郎仍授曲阜縣知縣七年坐罪廢世襲改世職。

孔克仲字剛夫五十五代洪武七年衍聖公孔希學同族人孔思矩等二十八人赴京保舉堪任前職太祖高皇帝召見命以蔣山爲題須臾詩成天顏大喜朗誦數遍笑曰莫說你別才調只這首詩也該與你

個知縣做遂領勅赴任孔氏世職始此

孔克營字耕夫五十五代洪武十五年保任前職領勅赴任。

孔希文字士周五十六代先任元教授洪武十七年保任前職領勅赴任。

孔希範字士則五十六代洪武二十八年保任前職領勅赴任

孔克中字正夫五十五代永樂九年保任前職領勅赴任宣德元年勅封文林郎

孔公鏗字聲聞五十八代宣德九年保任前職勅封承事郎

孔讓字蘊伯五十七代景泰元年保任前職勅封文林郎封父孔希武如其官

孔公錫字賜文五十八代由景泰庚午舉人天順五年保任前職勅封文林郎封父孔詮如其官以考績

加兗州府通判銜仍管縣事

世職加銜  
始此

孔燮字理伯五十八代成化八年保任前職勅封文林郎封父孔希敬如其官加陞兗州府通判銜仍理縣事

孔希永字士毅五十六代由監生成化二十三年保任前職

孔彥士字朝臣五十九代由成化丁酉舉人弘治二年保任前職勅封文林郎封父孔公綬如其官

孔承泗字永道六十代正德元年保任前職

孔承夏字永功六十代由監生正德五年保任前職

孔公統字一文五十八代正德十一年保任前職

孔承震字永器六十代由弘治戊午舉人嘉靖元年保任前職勅封文林郎

孔公珏字粟文五十八代由監生嘉靖十一年保任前職勅封文林郎

孔公澤字仁文五十八代嘉靖二十一年保任前職。

孔承業字永基六十代嘉靖二十五年保任前職勅封文林郎封父孔彥學如其官。

孔弘廊字以仕六十一代由歲貢嘉靖四十三年保任前職。以前聖公保舉以後兩院考選。

孔承厚字永載六十代由三氏學廩生隆慶三年山東撫按薦舉孝行除授前職四年廣西道御史趙可懷奏革世職理民事止許管林廟隨該衍聖公奏林廟錢糧自有原設管勾管理議裁本官致仕以兗州府清軍同知劉岸駐劄曲阜管理縣事。

孔弘復字以誠六十一代由三氏學廩生萬曆元年山東巡撫傅希摯巡按吳從憲酌議題請該吏部尚書楊巍覆曲阜世職知縣乃國家優崇先聖之典止當慎擇其人不當併棄其法乃以弘復照題准新例考選除授前職同知仍回府專管清軍四年奉例朝覲。世職應朝始此。五年考滿陞濟寧州知州仍管縣事九年考滿誥封奉直大夫贈父孔承英如其官十四年考滿陞東昌府同知仍管縣事二十二年加銜山東

都轉鹽運使司同知以禮致仕。

孔貞教字□□六十三代由四氏學廩生萬曆二十二年照例考選除授前職二十四年以衍聖公奏兩院勘明二十八年奉旨改南直常州府儒學教授秩滿三十三年陞京衛武學教授三十五年仍以本縣知縣職銜回籍。

孔貞叢字茂所六十三代由四氏學廩生萬曆二十七年照例考選除授前職三十一年考滿勅封文林

郎封父孔開墅如其官。三十四年。陞沂州知州。仍管縣事。四十年。加陞東昌府同知。仍管縣事。四十三年。加陞山東都轉鹽運使司同知。仍管縣事。

孔開簡。字臨寰。六十二代。由四氏學廩生。天啓元年。照例考選。除授前職。四年。加陞東昌府通判。孔弘毅。字遠舉。六十一代。由四氏廩生。崇禎二年。照例考選。除授前職。

#### 四氏學世職學錄一人

按學始於魏文帝黃初二年。崇聖侯孔羨創建。宋真宗大中祥符二年。殿中丞孔勗知縣事。奏准令就廟側建學。以訓孔氏子孫。猶未聞設官也。乾興元年。孫宣公守竟。請以楊光輔爲講書。轉奉禮郎。哲宗元祐元年。置教授一員。於舉到文官內差。或委本路監司。舉有行義人充。令教訓本家子弟。如鄉鄰願從學者。聽。四年。尹復奏以文潞公薦爲教授。本年。又設學錄一員。此學錄官名之始也。元世祖中統三年。詔立曲阜廟學。以進士楊庸充廟學教授。又設正錄各一員。仁宗延祐間。益以顏孟二氏子孫受業。國朝洪武元年十二月。奉高皇帝聖旨。孔顏孟三氏子孫。俱係先聖先賢之後。歷代崇重。事同一體。設三氏子孫教授一員。學錄一員。於師儒官內保陞。其各生止入學習禮。未有生員之名。或有以儒士應試京闈者。或有以儒士由兗州府學應試者。宣德元年。學錄始以聖裔任。俱聽衍聖公同族衆公舉。年德俱尊。學問優長者。咨部銓除。正統元年。衍聖公孔彥縉題准。本學諸生應山東鄉試。成化元年。衍聖公孔弘緒奏給三氏學印一顆。始名三氏學。創開歲貢之例。嘉靖十年。山東撫按題准。照州學例。廩增各三十名。萬曆十五年。撫



按題准添入曾氏子孫受業。改鑄四氏學印。學後正室五楹。爲衍聖廳。講讀之所。傍有配室。待四氏博士應講者也。歷朝世職題名

### 前代

孔塘字德純。四十九代。貞祐二年進士。廟學正。

孔之威字溫甫。五十二代。由單父教諭轉廟學正。終費鄒二縣尹。

孔思永字常道。五十四代。任廟學正。終河南省理問。東平路同知。

孔克仁字志夫。五十五代。任廟學正。

孔洵。五十三代。任廟學正。陞東平路儒學教授。

孔攀字莘夫。五十代。終場及第。授廟學教授。

孔汾。五十三代。由肥城教諭轉三氏子孫教授。

孔思賁字完道。五十四代。任三氏子孫教授。

孔希聖字士賢。五十六代。任三氏子孫教授。

孔元順字存之。五十一代。任廟學正。

### 國朝

孔克晏字堯夫。五十五代。由儒士。宣德元年。保任三氏學錄。景泰庚午。欽取陪祀太學。賜宮錦襲衣。後兼

孔庭族長。所著有巢愚藁行世。

孔論。字經伯。五十七代。由儒士。景泰六年。保任三氏學錄。

孔克旻。字舜夫。五十五代。由儒士。天順八年。保任三氏學錄。兼孔庭族長。

孔克昫。字東夫。五十五代。由儒士。成化三年。保任三氏學錄。兼孔庭族長。

孔公璜。字輔文。五十八代。由儒士。成化十三年。保任三氏學錄。修理祖廟。瑩寢。考正家門典故。有文集行

於世。以前皆由衍聖公同族衆保舉任。以後皆由監生。生員照例考選任。

孔公杰。字佐文。五十八代。由監生。正德十二年。任三氏學錄。

孔公鉉。字舉文。五十八代。由監生。嘉靖十三年。任三氏學錄。

孔彥衢。字朝亨。五十九代。由監生。嘉靖十九年。任三氏學錄。

孔彥佩。字朝鳴。五十九代。由監生。嘉靖三十一年。任三氏學錄。

孔承鎬。字永周。六十代。由三氏學首貢。嘉靖三十九年。任三氏學錄。

孔承作。字永則。六十代。由三氏學首貢。萬曆八年。任三氏學錄。十五年。山東巡按毛在題准。改爲四氏學

錄。入考察。本學考察始此。

孔承似。六十代。由四氏學生員。萬曆十七年。任四氏學錄。

孔聞諫。六十二代。由四氏學首貢。萬曆二十八年九月。授四氏學錄。十月三十日。到任。

尼山書院世職學錄一人

尼山在曲阜縣東南六十里。周靈王二十年，聖母顏氏禱於尼丘山，升之谷，草木之葉皆上起，降之谷，草木之葉皆下垂。二十一年，孔子生。大哉先師，苞乾坤之靈，應貞元之運，以爲萬世教主也。其崇厥攸居，時則有闕里之廟，奠厥攸宗，時則有泗上之林，而報本反始，則尼山實爲毓聖之區。四方瞻仰，而宗依之，蓋與天壤共敝矣。五代後，周太祖顯德中，魯守趙侯始於其地創廟以祀孔子。宋仁宗慶曆癸未，四十六代襲封文宣公孔宗愿大建廟宇。元文宗至順三年，五十四代襲封衍聖公孔思晦請復尼山廟，禮部尙書康里公夔白於中書，順宗至元二年，左丞王公懋德議設尼山書院，以彭璠爲山長。至正三年，重建聖廟，賜額尼山書院，立學舍祭田，未及大完而彭璠卒，以益都路馬猶子爲山長。後以五十四代孔思本爲山長，陞盤陽路學教授。五十五代孔克信由泗水縣儒學教諭陞尼山書院山長，孔克綱由北直豐縣儒學教諭陞尼山書院山長。國朝正德二年，該衍聖公孔聞韶奏准，改山長職銜爲學錄。

世職題名

孔彥章，字朝顯，五十九代。正德三年，保任尼山書院學錄。

孔弘鑿，字以珍，六十一代。嘉靖三十一年，保任尼山書院學錄。

洙泗書院世職學錄一人

書院在孔林之東二里許，舊名先聖講堂。泗水帶其北，洙水經其南。皇覽云：諸弟子房舍并井瓮猶存。周

敬王三十六年。孔子年六十八歲。魯使人迎孔子。孔子自衛返魯。然魯終不能用。孔子亦不求仕。乃與弟子講道於洙泗之上。刪詩書。定禮樂。繫周易。於是洙泗遂爲萬世立教之首地矣。魯記所載孔子講堂。卽此。漢光武東巡過魯。坐孔子講堂。是也。元世祖至元戊寅。曲阜縣世尹孔克欽。因舊址創建。請額爲洙泗書院。以五十三代孔濱爲山長。奉侍香火。其後五十四代孔思迅。五十五代孔克昌。五十六代孔希孟。相繼授洙泗書院山長。惟克昌陞曲阜縣尹。國朝正德二年。始改山長職銜爲學錄。主奉祀事。余考曲阜邑志。唐有三十九代孔敏行。元和元年狀元及第。四十代孔緯。孔纁。孔振。孔拯。兄弟四人俱狀元及第。四十一代孔昌庶。乾寧四年狀元及第。其登進士第與首冠賢書者。未易枚舉。照耀簡冊。稱顯榮已。乃國朝止有五十八代孔公恂。一人登景泰五年進士。官少詹事。邇來鹿鳴之歌。少聞其响。果氣運使然耶。抑雉羔未具耶。況洙泗當年爲先師講道之所。設廟祀。設學錄。朝廷作與人文之鉅典也。膺斯職者。宜殫心宣力。日與諸生共相砥礪。庶聖人之後。其更有興乎。

世職題名

孔彥邃。字朝元。五十九代。正德二年。保任洙泗書院學錄。

孔弘述。字以傳。六十一代。嘉靖三十八年。保任洙泗書院學錄。

孔弘顥。字以昂。六十一代。萬曆二十七年。除授國子監學錄。奉祀洙泗書院。兼攝家庭林廟舉事。

學錄加京衛自

此始

孔庭族長宋徽宗崇寧二年。詔文宣王家選親族一名。判司簿尉事。後即以家長繼之。

#### 四十九代

孔瓚。字純長。以白身最長授迪功郎。終朝請郎。知和州。

孔璫。以白身最長授迪功郎。

孔璫。以白身最長授迪功郎。

孔珉。以白身最長授迪功郎。

孔琬。以白身最長。宋孝宗乾道二年。授迪功郎。誥曰。使不胥爲夷者。夫子之賜也。讀其書而不錄其苗裔。

可乎。今襲封言爾最長。有司如其故事官之。稱朕尊崇先聖之意。

孔璋。以白身最長授迪功郎。奉南嶽祠。

孔璞。改名行可。以白身最長授迪功郎。奉南嶽祠。終贈太子少傅。

孔瑄。以白身最長授迪功郎。終從仕郎。

#### 五十代

孔撫。以族長權奉祀事。元武宗至大元年。諭祭。差學士王德淵初獻。兗州知州馬禧亞獻。家長撫三獻。

#### 五十一代

孔元祇。恩賜冠帶。

孔元裕字益卿由恩州教授將仕郎濟陽主簿致仕任族長

五十三代

孔涇字世清元興化路學正累翰林國史院檢閱官我太祖革命以賢良官隨例居臨濠衍聖公克堅奏請釋還鄉為孔庭族長洪武十七年九月十五日太祖召見應對稱旨面賜藤拐一枝諭令主領家務教訓子孫永遠遵守涇因元末兵亂譜籍散失乃參訂子史并哀宋元故事編成譜籍藏於家盡心於家門典故者世稱此公云

五十四代

孔思楷恩賜冠帶請修祖廟

孔思樸同聖公世尹上表謝恩修廟賜賚有加

五十五代

孔克晏字堯夫儒士兼三氏學錄

孔克昫字東夫儒士兼三氏學錄

孔克勳恩賜冠帶

孔克晟恩賜冠帶

五十六代

孔希晟恩賜冠帶

孔希琛兼林廟舉事。

孔希迪恩賜冠帶。

孔希瑄字士輝兼林廟舉事。

孔希瑾恩賜冠帶。

孔希場恩賜冠帶。

五十七代

孔諱字謹伯嘉靖十二年陪幸太學恩賜冠帶。

孔謙恩賜冠帶。

孔謨隆慶元年陪幸太學恩賜冠帶。

五十八代

孔公寵恩賜冠帶。

孔公寧恩賜冠帶。

孔公舒恩賜冠帶。

孔公源由林廟舉事轉家長。

林廟舉事

前代未有。至國朝始設立。以  
佐家長督理林廟繩愆子孫者。

五十六代

孔希琛。兼孔庭族長。

孔希璿。字士輝。兼孔庭族長。

五十八代

孔公祿。恩賜冠帶。

孔公性。恩賜冠帶。

孔公源。恩賜冠帶。轉孔庭族長。

六十代

孔承流。恩賜冠帶。

孔承茨。恩賜冠帶。

六十一代

孔弘顒。字以昂。兼洙泗書院學錄。



# 聖門志卷之三下

歷朝科目

漢以上無制科  
制科自隋唐始

甲科題名

隋

孔嗣哲三十二代。煬帝大業四年登進士第。

唐

孔昌寓三十五代。太宗貞觀十三年應制登科。爲膳部郎中。

顏康成三十八代。高宗永徽二年狀元及第。擢制科。太子舍人。崇文學士。

顏強學。康成弟。進士制舉。校書郎。

顏希莊。強學弟。登進士。銀青光祿大夫。和州刺史。

孟詵三十一代。高宗朝。擢進士。累遷鳳閣舍人。

孔禎三十四代。擢進士第。爲監察御史。蘇州長史。累遷絳州刺史。封武昌縣子。諡曰溫。

孔季翊。字季和。三十五代。武后永昌四年。應制登科。授校書郎。終左補闕。

顏元孫。字聿修。三十九代。武后嗣聖元年。舉進士。解褐彭城簿。歷登封長安二尉。洛陽丞。著作佐郎。太子

舍人時玄宗監國獨掌令詔當時以爲綸言之最玄宗嘗出諸家書跡數十卷令定其真僞元孫分別以進玄宗大悅因賜牋藤筆墨衣服等物出爲潤州長史遷滌沂二州刺史終朝散大夫豪州刺史上柱國生子五春卿杲卿曜卿旭卿茂曾著文集三十卷干祿字書一卷

顏隱朝三十九代進士拔萃河北尉

顏貞長三十九代太子文學惟貞第四子舉明經進士

顏幼輿字令軌惟貞第五子進士齋郎歷新息簿左衛帥府兵曹賜緋魚袋

顏真卿字清臣幼輿弟玄宗開元中舉進士登甲科爲監察御史出爲平原太守安祿山反河朔盡陷獨平原城守具備肅宗幸靈武授工部尚書兼御史大夫出爲同州刺史浙江西道節度使徵爲刑部尚書李輔國矯詔遷玄宗居西宮真卿乃首率百寮上表請問起居輔國惡之奏貶蓬州長史代宗嗣位拜利州刺史除尚書左丞改檢校刑部尚書知省事累進封魯公爲宰相元載所陷貶陝州別駕撫州湖州刺史元載伏誅拜刑部尚書又爲楊炎盧杞所忌改太子太師李希烈反義不屈死之贈司徒諡文忠元世祖至元三年于費縣東魯公祠創立書院設山長一員奉祀

孔載三十八代德宗貞元二十年擢進士

孔戡字勝始三十八代德宗時進士及第由金吾錄事遷大理評事盧從史鎮澤潞辟爲書記從史寢驕與王承宗田緒陰相結欲效河朔事以固其位戡每秉筆至不軌之言極諫以爲不可從史怒歲餘謝病

歸洛陽。李吉甫鎮揚州，召爲賓佐。從史知之，上疏論列，請行貶逐。憲宗不得已，授衛尉丞，分司洛陽。詔出，呂元膺不可，上曰：「朕豈不知哉！行將用之矣。」未幾卒。贈司勳員外郎。

孔戣，字君嚴，戡弟。德宗時，登進士第，爲侍御史，轉尚書郎，改諫議大夫。累官尚書左丞，改華州刺史，潼關防禦使。入爲大理卿，遷國子祭酒，授廣州刺史，嶺南節度使。敬宗卽位，召爲吏部侍郎。二年，轉尚書左丞。累請老，詔以禮部尚書致仕。卒年七十三。贈兵部尚書。諡曰貞戣。弟戡，舉明經，登第，判入高等，授校書郎，贈工部尚書。

孟簡，字幾道，三十四代。憲宗元和中，舉進士，宏辭連中，累遷倉部員外郎，拜諫議大夫。出爲常州刺史。州有孟瀆，久淤闕，簡治導，溉田凡四千頃，以勞賜金紫，召爲給事中，代李遜爲浙東觀察使。以工部侍郎召還，進戶部，加御史中丞。元和末，崔羣旣相，而簡代之。左授太子賓客，分司東都，再貶吉州司馬。以赦令進睦州刺史，復徙常州，仍太子賓客，分司。卒。

孔溫裕，戡次子，舉進士，位左丞。太平軍節度使，鄆曹濮等處觀察使。懿宗咸通十年，奏捐己貲修葺祖廟。孔溫資，三十九代，舉進士，位太子少保。

孔溫儒，戡長子。憲宗時，舉進士，終華陰縣丞。

孔敏行，字至之，三十九代。憲宗元和元年狀元及第，歷拾遺，補闕，起居郎，諫議大夫，集賢學士。顏勝，四十代，進士，左補闕。

顏式宣。四十代進士。殿中侍御史。

顏方僑。四十代進士。宮門丞。

孔溫業。字遜志。戢之子。穆宗長慶元年。第二人及第。宣宗大中時。爲吏部侍郎。後爲太子賓客。

顏順。四十代進士。評事。

顏韶。四十一代進士。

顏覲。四十一代弘文進士。

孟郊。字東野。三十五代少隱。嵩山。韓愈一見爲忘形交。年五十。得進士第。調溧陽尉。卒年六十四。張籍諡曰貞耀先生。

顏逸休。四十三代。武宗會昌六年。登第。授鄭縣令。撰文飛應詔文集傳於世。

孔緯。字化文。溫孺子。宣宗大中十二年。狀元及第。釋褐校書郎。歷觀察判官。遷翰林學士。正。拜中書舍人。乾符中。改御史中丞。歷吏戶兵三部侍郎。從僖宗幸蜀。改刑部尙書。判戶部事。還京。遷御史大夫。又從幸梁。拜中書門下平章事。駕還。進位左僕射。賜號持危啓運保義功臣。食邑四千戶。賜鐵券。恕十死。賜天興縣莊善和里宅各一區。昭宗卽位。進加司徒。封魯國公。兼太保。軋寧中。復拜司空。兼門下侍郎。同平章事。

卒於第。贈太尉。自元和後。孔氏子孫貴盛。至正卿。方鎮者甚多。至公始登台輔云。

孔纁。字徽夫。四十代。懿宗咸通元年。狀元及第。

孔絢字咸休。四十代。懿宗咸通元年。登進士第。僖宗乾符三年。調丹陽令。因家焉。

孔綸字昌言。四十代。懿宗咸通元年。登進士第九名。歷殿中侍御史。戶部郎中。

孔振字國文。四十代。懿宗咸通四年。狀元及第。詳具世紀。

顏逸少。四十三代。懿宗咸通六年。甲科第二人。左拾遺。

孔照字濟美。原名昺。後避宋諱改爲照。四十代。懿宗咸通七年。登進士第十一名。終萊州刺史。

孔紵。四十代。懿宗咸通七年。登進士第十三名。

顏詢。四十二代。僖宗乾符四年。登第。

孔拯字弘濟。四十代。僖宗中和三年。狀元及第。歷官侍郎。以上兄弟四狀元。今闕里有四狀元坊。

孔閏。戮之孫。昭宗景福初。登進士。任袁州刺史。

孔昌庶字幾聖。四十一代。乾寧元年。狀元。虞部郎中。

孔邈字準之。四十一代。昭宗乾寧五年。登進士第五名。終諫議大夫。

孔昌明字昭儀。四十一代。昭宗光化三年。登進士。

孔昌弼字佐化。緯之子。進士及第。終散騎常侍。

孔昌序字昭舉。四十一代。進士及第。終散騎常侍。

宋

孔憲四十四代。太宗太平興國二年。登進士第。任尙書工部員外郎。河東轉運使。

孔勗。字自牧。四十四代。太宗雍熙二年。進士及第。詳具南宗。

會頌。四十二代。太宗淳化三年。登第。官黃州從事。南雄州軍事判官。榮州觀察判官。朝奉郎。大理丞。

孔道輔。字原魯。勗長子。真宗咸平元年。賜進士出身。詳具南宗。

會顯。頌弟。真宗咸平五年。登第。官至筠州錄參。

會顏。顯弟。真宗咸平五年。登第。官至循州團練判官。

孔渭。四十四代。真宗大中祥符元年。同進士出身。

孔聖祐。四十六代。真宗大同祥符元年。同進士出身。詳具世紀。

孔延澤。四十五代。進士及第。贈諫議大夫。

孔延之。四十六代。仁宗慶曆二年。登進士第。司對郎中。與周濂溪友善。卒葬廬山。南豐會鞏誌其墓。贈殿

中丞。金紫光祿大夫。生子三。文仲。武仲。平仲。皆舉進士。

會朝陽。四十四代。仁宗慶曆間。舉進士。爲石首令。改忠州從事。教民文學。有文集二十卷。

會匪。朝陽弟。仁宗慶曆間。舉進士。爲南安主簿。改龍南令。設學教子弟。後移知玉山。

會載陽。四十四代。舉進士。贈將仕郎。

孔舜亮。字君亮。道輔長子。仁宗嘉祐四年。進士及第。以屯田員外郎。贈左中散大夫。上柱國。開國伯。食邑

七百戶。賜紫金魚袋。致仕。特進少師。

孔宗翰。字周翰。道輔次子。進士及第。詳具曲阜縣世職。

顏復。字長道。四十九代。仁宗嘉祐中。詔郡國敦訪遺逸。京東以復薦。凡試於中書者二十有一人。考官歐

陽。修奏復第一。賜進士。爲校書郎。知永寧。詳具世紀。

孔若拙。字公智。四十七代。賜進士出身。金州司理叅軍。

孔若初。字公慎。四十七代。進士及第。

孔文仲。字經父。四十七代。仁宗嘉祐間。舉進士。又舉賢良方正。范蜀公鎮薦於朝。召試對策。極言新法之

害。忤王安石。見黜。哲宗朝。累遷起居舍人。拜左諫議大夫。上疏論青苗免役等法不便。遷中書舍人。年五

十卒。有文集五十卷。

孔武仲。字常父。仁宗嘉祐間。舉進士。禮部第一。授秘書省正字。累遷司業。侍講邇英殿。除起居舍人。數月。

拜中書舍人。直學士院。擢給事中。遷禮部侍郎。出知洪州。移宣州。坐元祐黨奪職。居池州。卒年五十七。所

著有雜文百卷。

顏公弼。復之弟。神宗熙寧二年。進士。任華陰令。

孔平仲。字毅父。哲宗元祐間。舉進士。入史館。遷京西提刑。坐黨謫。知韶州。又謫惠州。別駕。徽宗卽位。召遷

戶部郎中。尤精於史學。著續世說。行於世。天下號爲三孔。山谷黃庭堅論元祐人材。有曰。山。谷。黃。庭。堅。論。元。祐。人。材。有。曰。三。孔。分。鼎。云。

顏隨。公弼弟。舉進士。三原縣丞。

曾銳。四十五代。禮部進士。

曾鉞。四十五代。徽宗崇寧五年。舉進士。授將仕郎。上高簿。侍親不赴。事母至孝。人不稱其官。以孝子稱之。後廬墓有芝竹連理。寶劍之瑞。

曾元忠。朝陽孫。徽宗大觀間登第。累官廣州教授。所著有春秋曆法論語解周易解等書行於世。

曾庠。四十六代。徽宗大觀中。三舉進士第。

曾度。四十六代。徽宗政和壬辰登第。通直郎。武岡軍官司法叅軍。

曾民瞻。四十六代。徽宗宣和辛丑登第。進士。南昌縣尉。

曾彥明。四十七代。徽宗宣和甲辰登第。廣東運幹。

孔端木。四十七代。徽宗宣和甲辰。特賜進士第。知臨江軍。修庠序之教。文風丕變。入名宦。

孔端隱。字子宣。四十八代。高宗紹興間登第。進士第。授江陵府觀察推官。

曾渙。四十九代。孝宗淳熙癸卯己酉。兩舉進士。光宗紹熙庚戌登第。入史館。秘書著作。禮部郎中。廣西轉運判官。大理少卿。秘書少監。終提舉崇寧觀。吉水縣開國男。食邑三百戶。階中大夫。

孔煒。五十一代。寧宗慶元二年第五人及第。終朝奉郎。太常丞。兵部郎中。知瑞州。

曾蔚宗。四十八代。寧宗嘉泰開禧兩舉進士第。授峽州教授。終從仕郎。



孔元善字德新。五十一代。理宗寶慶二年進士及第。儒林郎。泰州儒學教授。

孔應得。五十一代。理宗嘉熙二年補入太學。淳祐元年。駕幸太學。賜同進士出身。初任吉州泰和縣主簿。終端明殿學士。僉書樞密院事。福建江浙宣諭使。

孔文樸字伯厚。五十一代。理宗淳祐元年及第。以先聖後。特旨轉修職郎。復州玉沙縣簿尉。終奉議郎。知潭州湘潭尉。

孔文善。五十一代。賜進士及第。

孔夢斗字元極。五十二代。理宗景定三年。登進士第。歷臨安府教授。召試館職。除秘書省正字。史館校勘。終承議郎。慶元府通判。

孔瑑字仕平。進士及第。授江夏尉。巴陵丞。長沙令。繼知崇陽。通判江夏郡。除知制誥。改江南西路茶馬官。後知興國州軍事。

孔沂。五十三代。舉進士第。

孔景行字宗成。五十三代。度宗咸淳三年。駕幸太學。賜進士出身。授修職郎。慶元府學教授。

孔霆發字君選。五十三代。度宗咸淳四年。廷對第八人及第。文林郎。處州軍事推官。

曾晞顏。五十一代。宋國學進士。歷御史。兵部侍郎。

孟德義。五十代。登進士第。授魚臺縣尹。

曾晞禹五十一代辛卯進士。

金

孔濤字世平五十三代世宗大定元年進士授溧陽州教授辟浙省掾承仕郎吳江判。

孔擢字用之五十一代世宗大定二十二年進士及第萊州掖縣令章宗以聖人後特授太學助教爲都省掾三部司正終刑部都事。

孔端甫字肅之四十八代章宗明昌四年賜進士及第補將仕郎。

孔塘字德純四十九代宣宗貞祐二年賜同進士任廟學正終萊州招遠主簿。

國朝

曾榮字子榮五十五代自幼穎敏端重寡言笑五歲盡識象戲字長稱江南才子中永樂甲申科會試時年三十六上欲求異才命解縉探天文律曆爲題意士必窘手得榮卷幾二萬言遂首擢授修撰上時召試迅筆千言立就詞理皆到上屢摘羣書隱僻事問應答如響命撰天馬海青歌賜瑪瑙帶深沐眷寵羣臣有以文士薦者必問得如曾榮否時有虜使至稱善飲有司推能匹者止得一武弁猶恐不勝上令廷臣自薦榮請往三人默飲終日虜使已酣武弁亦潦倒榮爽然復命上笑曰無論文學卽酒量亦狀元也仕至少詹事兼翰林院侍講學士預修兩朝實錄卒年六十一贈禮部左侍郎諡襄敏所著有巢睫集曾鼎字復鉉五十五代永樂壬辰科會試二十七名廷試二甲十七名歷官陝西四川廣東按察司僉事。

雲南布政司左叅議進階湖廣按察司副使

孔公恂字宗文五十八代景泰甲戌科會試二百四十二名比及廷試聞母疾遂不入上知之問禮臣曰公恂何爲不入廷對禮臣奏以聞母疾故也上曰聞疾而未有訃音可召入對俾錦衣賚金牌召之遂入時已報午試卷弗及備命翰林院給紙筆條對洋洋切中時政登二甲第十四名旣聞母憂回籍守制天順丁丑服闋授禮科給事中至癸未青宮缺左右少詹事上遴選臣工務求稱選當事者以公恂司馬恂薦俱授少詹事拜命之上喜見天顏繼進宮壺謂孝肅皇太后曰朕爲汝子得二賢臣爲輔孔公恂聖人之後也司馬恂賢人之後也太后具服謝之中貴喧傳以爲美事成化初改大理寺左少卿未幾復少詹事兼左諭德丙戌坐言事出知湖廣漢陽府丁外艱不果行庚寅復少詹事南京管事進階中憲大夫卒於官朝廷遣官諭祭

孔貞時字中甫六十三代萬曆癸丑科會試第四名廷試三甲六十七名戶部觀政改翰林院庶吉士戊午授檢討

孔貞運字玉橫貞時弟萬曆己未科會試第一百二十七名廷試一甲榜眼及第本年授翰林院編修歷陞國子監祭酒

孔聞鏢字玄伏六十二代天啓壬戌科會試第九十五名廷試三甲二百七十四名禮部觀政授行人孔聞詩字知言六十二代天啓壬戌科會試一百八十名廷試三甲三百十六名吏部觀政授中書舍人

考選吏科給事中。

孔聞籍字義繩六十二代天啓乙丑科會試一百九十名廷試三甲一百六十五名都察院觀政授行人鄉科題名

宋

孔世基四十四代太宗太平興國二年中第□名。

孔應選字舜舉五十一代哲宗元祐七年中第四名授油功郎臨安府餘杭主簿。

孔文敏五十一代理宗寶祐二年中第□名。

曾雷順五十二代理宗景定甲子吉州發解任萬載縣尹吉州路提舉。

國朝

曾用先五十三代洪武壬子科由吉安府永豐縣遷鶯鄉十六都籍中江西鄉試。

曾棨字子棨五十五代永樂癸未科由吉安府永豐縣學生以書經中江西鄉試甲申科狀元。

孔諤字貞伯五十七代永樂戊子科以儒士中山東鄉試明年會試禮闈擢乙榜第一仁宗昭皇帝以太子監國謂近臣曰我朝孔門子孫未有出仕者今有此一人何不取進士對曰考試至公雖父子不容私吏部欲除教職仁宗召見曰孔諤年少俊偉務着中進士命冠帶送國子監讀書肄業未幾春坊左中允員缺仁宗顧謂東宮官曰春坊中允幾品對曰正六品曰着孔諤做教皇子諸王又賜宅第一區及器皿

諸物師道嚴正。一無所阿。轉太理寺評事。改雲南道監察御史。巡按江西遼東。所至風紀振肅。終河南按察司僉事。常著中庸補註三篇。繕寫進呈。上嘉之。賜五經四書各一部。有舞雩春詠集二十卷。以後凡山東中式者不書籍貫

孔公鏞。五十八代。永樂辛卯科。

曾鼎。字復鉉。五十五代。永樂辛卯科。由吉安府永豐縣學生。以禮經中江西解元。壬辰進士。

孔信。字忠伯。五十七代。永樂丁酉科。成化初。以子公恂貴。誥封中順大夫。大理寺左少卿。

孔公禮。字節文。五十八代。宣德乙卯科。任徐州訓導。國子監學正。登仕郎。詹事府主簿。

孔公恂。字宗文。五十八代。正統甲子科。禮記。景泰甲戌科。進士。

孔公錫。字賜文。五十八代。景泰庚午科。天順五年。任曲阜縣知縣。

孔諗。字諫伯。五十七代。景泰癸酉科。任南直鳳陽府宿州訓導。

孔謳。字觀伯。五十七代。景泰丙子科。任山西太原府崞縣訓導。國子監學正。藩府長史。進階朝列大夫。

孔彥麟。字朝祥。五十九代。景泰丙子科。順天中式。任南直鳳陽府靈璧縣知縣。調桐城縣知縣。

孔公怡。字友文。五十八代。天順己卯科。三十二名。成化壬辰。歲大禋。公怡請粟於巡撫。遂得賑恤。同宗數千餘口。存活於危亡之日者。皆其力也。未及仕而卒。

孔彥祿。字朝庸。五十九代。成化戊子科。五十二名。授河南裕州知州。州多大豪。下車繩其渠魁。郡境肅然。

賑民窮困。導以農桑。民愛之如慈母。卒於官。男女巷哭罷市。父老百餘。送喪之闕里。復留所乘之馬助喪。有呂姓者。獨留不歸。人問之。泣曰。公活我之恩。未報。願留供香火。終身不歸。呂沒。公之子承懿具棺以禮葬之。人重呂之義。而多公之德云。承懿字永叔。慷慨正直。酷嗜史。所著有橋梓聯編。生子弘幹。

孔諲。字慎伯。五十七代。成化丁酉科。任北直河間府河間縣知縣。

孔彥仕。字朝臣。五十九代。成化丁酉科。弘治二年。任曲阜縣知縣。

孔公才。字希文。五十八代。成化癸卯科。十五名。授南直揚州府江都縣知縣。陸兵部主事。調北直大名府

通判。和州知州。山西按察司僉事。

孔承震。字永器。六十代。弘治戊午科。十三名。嘉靖元年。任曲阜縣知縣。

孔聞誥。字知敬。六十二代。嘉靖己酉科。三十一名。書經。三氏學學生。本學自嘉靖壬子至萬曆乙卯。共二十二科。俱無中式者。

孔貞時。字中甫。六十三代。萬曆丙午科。由句容縣監生中應天鄉試。五十二名。春秋。癸丑科會魁。

孔貞運。字玉橫。貞時弟。萬曆壬子科。由句容縣學生中應天鄉試。七十七名。春秋。己未科榜眼。

孔聞詩。字知言。六十二代。萬曆戊午科。四十二名。四氏學學生。詩經。天啓壬戌科進士。

孔聞檀。字□□。六十二代。萬曆戊午科。七十三名。四氏學學生。詩經。

孔貞綬。字□□。六十三代。萬曆戊午科。七十五名。四氏學學生。詩經。

孔聞籍。字□□。六十三代。天啓辛酉科。三十六名。四氏學學生。詩經。

孔聞讜字玄伏六十二代天啓辛酉科六十三名四氏學監生易經壬戌科進士  
孔胤圭字伯達六十五代天啓甲子科二十六名四氏學生詩經  
孔尙鉞字震之六十四代天啓甲子科七十九名四氏學生詩經  
孔尙則字準之六十四代天啓丁卯科二十一名四氏學生詩經  
孔聞讜字知忠六十二代天啓丁卯科五十四名四氏學生詩經  
歲貢題名天順以前無歲貢之例成化元年衍聖公孔弘緒奏給三氏學印始比例開創

### 成化

孔希永字士毅五十六代成化二年貢二十三年任曲阜縣知縣  
孔承朴字永厚六十六代任山西平陽府石樓縣知縣  
孔公森字燦文五十八代任河南開封府延津縣知縣  
孔公潤字澤文五十八代任浙江嘉興府桐鄉縣縣丞  
孔彥儲字朝祐五十九代未仕卒  
孔彥組字朝綬五十九代任南直蘇州府吳江縣縣丞  
孔公華字寶文五十八代任陝西苑馬寺寺丞  
孔公仲字正文五十八代任江西南康府建昌縣縣丞

弘治

孔彥禮字朝節五十九代弘治元年恩貢任北直河間府阜城縣縣丞

孔承夏字永功六十年代正德五年任曲阜縣知縣

孔公玘字楚文五十八代任南直寧國府南陵縣知縣陞浙江湖州府同知

孔彥鵬字朝漢五十九代任四川成都府崇慶州夷目

孔彥雲字朝隆五十九代任河南河南府閩鄉縣訓導

孔彥珣字朝璽五十九代任陝西莊浪衛學教授

孔承緒字永紹六十年代任河南彰德府湯陰縣主簿

正德

孔承紹字永恩六十年代未仕卒

孔彥礎字朝乾五十九代任河南南陽府舞陽縣訓導

孔公杰字佐文五十八代正德十二年任三氏學學錄

孔彥珩字朝閏五十九代任河南汝寧府羅山縣教諭

嘉靖

孔承瑀字永珮六十年代任北直順德府平鄉縣知縣



孟希達字士顯五十六代任山西潞州同知。

顏重禮字東隅六十二代任浙江嘉興府嘉興縣縣丞。

孔彥瑄字朝佩五十九代未仕卒。

孔公鉉字舉文五十八代嘉靖十三年任三氏學學錄。

孔彥作字朝德五十九代任浙江定海縣訓導生徒束修一介不受。陸任之日門弟子追送數百里外泣

別入名宦祠。陸北直高陽縣教諭。

孔彥生字朝仁五十九代未仕卒。

孔彥確字朝誠五十九代任山西太原府繁峙縣知縣。

孔彥碩字朝大五十九代任河南開封府滎澤縣知縣。陸懷慶府通判。

孔承諭字永聽六十一代任北直永平府盧龍縣訓導。

孔弘鐸字以魯六十一代任江西廣信府推官。

孔彥衢字朝亨五十九代嘉靖十九年任三氏學學錄。

孔公戡字靜文五十八代任南直蘇州府吳江縣訓導。

顏重清六十二代任周府教授。

孔弘川字以東六十一代任北直真定府衡水縣教諭。陸河南開封府封丘縣知縣。

- 孔弘毅字以遠。六十一代。任北直河間府南皮縣訓導。陞浙江嚴州府桐廬縣教諭。
- 顏重文。六十二代。任陝西延安府宜川縣教諭。
- 孔承亮字永寅。六十大代。任河南開封府學教授。
- 孔彥嗣字朝昌。五十九代。未仕卒。
- 孟彥詩。五十九代。任浙江處州府照磨。
- 孔彥章字朝景。五十九代。未仕卒。
- 孔彥隆字朝平。五十九代。任周府教授。
- 孔弘中字以性。六十一代。未仕卒。
- 孔承鏐字永從。六十大代。未仕卒。
- 孟承禮字永和。六十大代。任河南南陽府舞陽縣主簿。
- 孔承深字永資。六十大代。任河南懷慶府訓導。陞陝西鳳翔府隴州學正。
- 孔彥珮字朝鳴。五十九代。嘉靖三十一年。任三氏學學錄。
- 孔承學字永聚。六十大代。任南直徐州沛縣主簿。
- 孔承尹。六十大代。未仕卒。
- 孔承蒲字永瑞。六十大代。任南直應天府學訓導。

孔弘廊字以仕。六十一代。嘉靖四十三年。任曲阜縣知縣。

孔弘盛字以德。六十一代。任南直楊州府如臯縣知縣。

孔彥訢字朝賢。五十九代。任陝西臨洮衛學教授。

孔承前字永述。六十代。任北直真定府靈壽縣訓導。

孔弘申字以重。六十一代。任應天府學教授。陞湖廣襄陽府通判。

孟承相。六十代。任四川重慶府推官。

孔彥厚字朝坤。五十九代。任南直池州府建德縣訓導。

孔弘綿字以延。六十一代。任北直河間府交河縣主簿。清操見該縣志。

### 隆慶

孔弘煦。六十一代。未仕卒。

孔聞炳。六十二代。未仕卒。

孔承先字永裔。六十代。任北直保定府高陽縣知縣。

孔承倜字永冠。六十代。選貢。任順天府保定縣知縣。陞荊府長史。

孔彥滂。五十九代。未仕卒。

顏從舜。六十三代。任濟南府青城縣教諭。

孔承茹字永彙。六十年代。任湖廣永州府江華縣教諭。

萬曆

孔彥津字朝問。五十九代。選貢。任河南河南府陝州訓導。

顏弘乾。六十一代。任青州府莒州學正。

孔弘景。六十一代。任南直蘇州府崑山縣縣丞。

孔貞樞。六十三代。任南直淮安府海州知州。

孔聞德。六十二代。任山西太原府壽陽縣知縣。

孔承埏。六十年代。任北直大名府學教授。

孔聞燾。六十二代。任湖廣襄陽府宜城縣教諭。

孔弘昇。六十一代。任東昌府觀城縣教諭。

孔聞秀。六十二代。任山西平陽府萬泉縣教諭。

孔弘鼎。六十一代。任濟南府長清縣訓導。

孔承季。六十年代。任濟南府章丘縣訓導。

孔承仍。六十年代。任青州府蒙陰縣訓導。

孔弘典。六十一代。任東昌府博平縣教諭。

孔聞仕六十二代。

孔承儻六十一代。任大寧都司學教授。

孔弘衍六十一代。任建平縣知縣。

孔貞棟六十三代。任濟南府禹城縣教諭。

孔弘蕤六十一代。任衡府教授。

孔弘猷六十一代。任登州府招遠縣訓導。

孔承紀六十代。任潼關衛學教授。

孔弘森六十一代。

孔聞定六十二代。

孔聞上六十二代。

孔聞舉六十二代。任濟南府平原縣教諭。

孔弘賓六十一代。任濟南府德州訓導。

孔聞諒六十二代。任濟南府樂陵縣訓導。

孔貞明字心字六十三代。任陝西西和縣知縣。

孔聞古六十二代。

孔弘頡六十一代。

顏嗣振六十四代。天性孝友。父歿廬墓。屢經旌獎。

孔尙文六十四代。任宿遷縣教諭。

孔貞志六十三代。任臨清州學正。

孔尙孝六十四代。任博興縣教諭。

孔聞諦六十二代。任蘇州府學訓導。陞河南彰德府涉縣知縣。

孔聞謹六十二代。

孔尙炳六十四代。

孔聞武六十二代。

孔聞僊六十二代。

孔貞璞六十三代。

孔尙象六十四代。

孔承鏞六十四代。

孔貞俊六十三代。

監生題名

國朝

孔克純字德夫五十五代

孔克敷字敏夫五十五代

孔希說字士巖五十六代

孔希進字士勉五十六代

孔彥悌字朝敬五十九代

孔承渙字永發六十代

孔承漢字永清六十代

孔承山字永壽六十代

孔弘知字以哲六十一代

孔彥禱五十八代公郁次子公郁自幼好學富而不驕宗黨困窮者量其事而調之路有以急迫告者卽解所衣貂裘付之略無德容天順二年鄰封饑出粟千餘石散於衆曰此天厚我我何吝爲己有而不公於人乎憲宗純皇帝踐祚幸學應詔觀禮賜晏賜衣仍賜彥禱爲太學生未及仕而卒禮妻楊氏時年二十有六自縊於室女僕覺之毀窓進救得不死子女俱無貧苦不堪清節愈勵闔邑稱之正德間奏聞族表

孔承復字永靜。六十代。正德間。任安陸衛經歷。

孔彥述字朝謙。五十九代。嘉靖間。任山西澤州州判。

孔公珏字栗文。五十八代。嘉靖十一年。保任曲阜縣知縣。敕封文林郎。

孔弘幹字以象。六十一代。任魯府審理正。進階奉議大夫。留心家門典故。所著有孔門僉載。文獻集。橋梓聯篇。淳龐風味談柄。聖賢圖像。聖蹟圖等書行於世。

顏重賢。六十二代。

孔聞教字知寬。六十二代。任南直徽州府婺源縣主簿。終湖廣承天府經歷。

孟彥繼。五十九代。

孟彥緒。五十九代。任河南開封府陳州吏目。

孔尙坦。六十四代。係六十五代衍聖公胤植  
本生父。改贈衍聖公。

孔弘頤。六十一代。天啓元年恩貢。

孔聞範。六十二代。天啓幸學恩貢。

孔聞謨。六十二代。天啓幸學恩貢。

孔貞祚。六十三代。天啓幸學恩貢。任陝西興安州漢陰縣知縣。

曾承佑。六十二代。天啓幸學恩貢。崇禎二年。復乞恩幸學。



孟聞時六十二代天啓幸學恩貢。  
顏伯華六十六代崇禎元年恩貢。  
孔聞俊六十二代崇禎幸學恩貢。  
孔貞芳六十三代崇禎幸學恩貢。  
孔尙遜六十四代崇禎幸學恩貢。  
孔尙縞六十四代崇禎幸學恩貢。  
顏伯忠六十六代崇禎幸學恩貢。  
顏伯偉六十六代崇禎幸學恩貢。  
孟聞証六十二代崇禎幸學恩貢。  
孟聞熙六十二代崇禎幸學恩貢。  
孔聞誨六十二代崇禎二年考選恩貢。  
孔氏聞達

十代

孔聚字子產。櫛之子。爲漢高祖都尉。以破項羽功封蓼侯。隨字元路。承殷後。爲宋公。

十一代

孔臧 案之子。嗣爵。歷位九卿。讓。字子士。為孝惠博士。武帝時。遷御史大夫。未。讓。遷長沙王太傅。

十二代

孔琳 臧之子。字子耶。安國子。傳。嗣蓼侯。邛家學。尤善詩禮。

十三代

孔黃 琳之子。茂。封為關。嗣蓼侯。茂。內侯。

十四代

孔吉 漢成帝綏和元年。詔求殷後。封為紹嘉侯。三月。與周後。宣。為長安公。仕宣帝。捷。校諸。喜。校諸。光。字子夏。歷仕成哀平三朝。凡為御史大夫丞相各再。又為大司徒太傅。師。居公輔位前後一十。驩。字子仲。漢封博士。七年。凡食邑萬一千戶。封博山侯。王莽權盛。辭位。年七十薨。諡曰簡。贈列侯。衍。漢成。為博士。陸。光祿大夫。

十五代

孔何齊 漢平帝元始四年。封宋公。位在三公之上。食邑一千。永。為大司馬。封寧鄉。壽。封合意。放。博山侯。立。字子。善詩書。少遊京師。常與劉歆友。復益九百三十二戶。食邑千戶。

十六代

孔安 漢建武五年。以殷後。封為紹嘉侯。建。字子建。少遊長安。與崔篆友善。及篆仕莽。因勸建仕。對曰。吾有。字君魚。為武都承運太守。元。校書郎。尚。守。奇。博通經典。尤善左氏春秋。賜爵關內侯。以清儉聞。

十七代  
孔仁 博士。南海太守。遷嘉終城門校尉。方從事。廣平豫州。疇字元矩。爲陳國相。

十八代

孔穌 元嘉三年三月奉詔選爲百戶主掌禮器。以奉先聖祀。靖之享侯。隱之封奉聖侯。豐史以學行聞。三府委質。司空高第。御

十九代

孔僖 字仲和。章帝初。拜蘭臺令史。元和二年。帝東巡。幸闕里。祀孔子。大會孔氏子孫六十二人。帝曰。今日之會。輝聖德。社於光榮。非所敢承。帝大笑曰。非聖人子孫。爲有斯言。拜郎中。從還京師。使校書東觀。拜臨晉令。旭 魯相史。訢 魯月曹。彪 尚書侍郎。治書侍御史。博陵太守。遷下邳相。誦 字仲助。漢順帝陽嘉二年。拜博術 字元世。舉孝廉。拜術 字子佑。遷耶中令。舉孝廉。都尉。扶士。由太守爲司空。翊 御史。中牟樂陽令。術 魯相史。宙 遷耶中令。舉孝廉。都

二十代

孔融 字文舉。宙第六子。辟舉高第。爲侍御史。嘗爲北海相。立學校。表顯儒術。薦舉賢良。獻帝時。論者多欲復肉刑。公乃建議。朝廷善。卒不復。拜大中大夫。曹操欲漢鼎。憚公。不敢。終爲所害。晨 字伯時。尹謙 字德讓。爲字元儻。魏大鴻臚。昱 終於家。自十三代。至昱。爵位登卿相。牧守者五十三人。以師喪棄官。諫議大夫。文臚。昱 終於家。自十三代。至昱。爵位登卿相。牧守者五十三人。以師喪棄官。爲功曹。伯序 魯都讚道不仕。長彥 儋長子。與弟季彥。自爲師友。研精季彥 永初二年。夏。河南四縣雨雹。當求有道之士。亟陳厥故。上召見於德陽殿。對曰。此皆陰乘陽之徵也。今貴臣擅權。母后黨織。陛下增修聖德。虛此二者而已。帝默然。左右皆不喜。季彥知之。曰。吾豈容媚勢臣而欺天子乎。歸老於家。

二十一代

孔暢 建寧中。為魯掾。毓 晉征南軍司馬。郁 後漢冀州刺史。恂 字士信。晉東平將軍衛尉。

二十二代

孔衍 字舒元。晉元帝引為安東參軍。中興。掌記室。中興。從王肅。潛 字景微。先居梁國。為漢太子少傅。避地會稽。遂為山陰人。揚 為博亭侯。

二十三代

孔啓 晉廬陵太守。竺 字元順。吳一豫章太守。

二十四代

孔恬 字公默。吳侍中。選曹尚書。晉湘東太守。狎 吳尚書令。晉。奕 全椒令。悵 宋尚書祠部郎中。

二十五代

孔愉 字敬康。晉愍帝建興初。始出應召。為丞相掾。時年以五十。侃 大司農。黃門侍郎。羣 字敬林。晉御史中丞。粲 憐子。以華軼功封餘干亭侯。贈車騎將軍。開府儀同三司。諡曰貞。

二十六代

孔惠雲 封為奉聖侯。閻 字須言。建安太守。散騎常侍。汪 字德澤。為假節都督交廣二州諸軍事。征虜將軍。廣州刺史。祗 字承祖。為晉郡功曹吏。國 歷侍中。太常。尚書。選左僕射。坦

二十七代

字君平。晉咸和。為尚書左丞。選侍中。封。嚴 字彭祖。累遷尚書左丞。以侯領尚書。默 之 任廣州刺史。淳 之 字彥深。粲子。居會稽。除著作佐郎。太尉參軍。並不就。元嘉初。復徵為散騎侍郎。乃逃於上虞縣界。家人莫知所之。

二十七代

孔邁封爲奉聖亭侯。晉令。晉尚書。靖字季恭。察孝廉。侯江夏太守。混嗣散騎常侍。道民宣城內史。福民太子洗馬。靜民散騎常侍。吳興太守。廷尉。道隆位侍中。廡光祿大夫。

二十八代

孔長公北齊文宣帝改封爲恭聖侯。靈符丹陽尹。會稽太守。靈運著作。靈產光祿大夫。景偉齊散騎常侍。景進魏功曹。琳之字彥琳。好文章。贈太常。瑊之爲楊州中祜。隱於四明山。嘗見山谷中有錢數百斛。視之如瓦石。太守僧王虔引爲主簿。不就。

二十九代

孔珪字德璋。齊高帝爲驃騎時。舉爲記室參軍。歷尚書左丞。御史中丞。都官尚書。終散騎常侍。深之爲比部郎。琇之江夏內史。白烏丞。靈龜國子博士。士邈揚州事。滔梁海鹽令。遙之吏部尚書。道徽隱居南山。豫章王聘。不受。

三十代

孔臻太子舍人。尙書三公郎。珮廬陵王記室參軍。曄中書侍郎。觀字士遠。宋御史中丞。累遷侍中。後有操行。除竟陵王。觀爲尋陽王右軍長史。行會稽郡事。道存黃門吏部侍郎。碩後魏治書侍御。摠侍郎。不至。觀字思遠。宋御史中丞。累遷侍中。

三十一代

孔休源字慶緒。舉秀才。爲梁晉安王府長史。帝敕王曰。孔休源人倫之表。汝年尚幼。當師事之。常於殿中別設一榻。人不敢坐。其禮敬如此。歷中書舍人。尙書左丞。終金紫光祿大夫。謚曰貞。手校書七千卷。有集十五卷。任江夏王長史。梁寧遠枝江。爲無錫令。安齊北齊青州法後爲都官尙書。幼孫。二縣主簿。虔孫。曹參軍。

三十二代

孔英哲 陳廢帝光大元年封爲奉聖侯兼從事中書 雲童 岳陽府認議 宗範 歷尚書都官郎中 司徒 免 字休文 晉陵太守 徵爲御史中

書加侍中 金 穎達 字仲遠 隋明經高第 授河南內都博士 徵赴東都 令補太學助教 唐太宗時 爲文學館學士 紫光祿大夫 武德中 授國子博士 貞觀初 封曲阜縣男 轉給事中 除國子司業 遷太子右庶子 與魏徵撰

成隋史 加散騎常侍 拜國子祭酒 仍侍講東宮 貞觀十七年 以年致仕 鬪形凌烟閣 卒 贈太常卿 諡曰憲 陪葬昭陵

三十三代

孔伯魯 散騎常侍 紹安 隋大業末 爲監察御史 唐高祖拜內史舍人 賜 紹忠 太子洗 志終 穎達子 國 志約 朝請大

子洗馬 禮 志亮 中書舍人 思政 史 紹新 以文辭 部郎中 志亮 人 思政 史 紹新 名世

三十四代

孔德紹 隋秘書省正字 景城縣丞 構 蒲州刺 惠元 志終子 國子司 琮 洪州都 珪 能涉詩書 太守王僧重之 引爲玉籙

三十五代

孔若思 給事中 轉禮部侍郎 出爲衛州刺史 加銀青光祿大夫 仲思 給事 立言 祠部郎 睿言 黃州刺 務本 滄州東

三十六代

孔舜 字奉先 監 字惟微 歷 如珪 海州司戶 贈 察御史 至 著作郎 如珪 工部侍郎

三十七代

孔榮 唐武宗會昌二年 以 齊參 爲寶鼎 岑父 祕書省著作郎 巢父 字弱翁 少時 與韓準 裴政 李白 張叔明 御史 刺歸汾二州 入爲諫議大夫 出爲潭州刺史 湖南觀察使 遷給事中 尋兼御史大夫 號爲竹溪六逸 授監察 充魏博宣慰使 興元元年 復宣慰河中 爲亂軍所害 上聞 震悼 贈尚書左僕射 諡曰忠

三十八代

孔述睿諫議大夫。文瑾兗州功曹。惟昉兗州參軍。克讓與弟充符隴居嵩山。

三十九代

孔溫質四門博士。溫諒生子。

四十代

孔郁字弘周。太子舍人。綏字文爲。咸通十四年明經及第。歷吏部侍郎。績推官。遂家新淦。

四十一代

孔邁滄州乾符令。贈兵部員外郎。仲良唐甫田令。卒於官。因家焉。今尙有世譜及唐詣刻石於縣齋。述字彰聖。生子檜。

四十二代

孔莊字文愿。後晉太常少卿。檜同光元年。避地平陽。吳越王累聘不就。

四十三代

孔承恭字光祖。授祕書省正字。歷溫安豐二縣主簿。攝節度推官。入爲大理寺丞。出監西京酒麴。歲增課六千萬。遷大理正。擢庫部員外郎。判大理少卿。遷屯田兵部二郎中。同考校京朝官課第。端拱三年。以爲太常少卿。俄

以疾求解官。授將作監致任。

四十四代

孔冕大中祥符元年。授安州應城縣主簿。瑋承恭子。同學究出身。爲登封縣尉。

四十五代

孔良輔 任大理寺丞。遷太子中書。 延渥 宋真宗東封。駕幸儒廟。賜同學究出身。終隰州清化令。 延祐 大中祥符元年。賜同學究出身。 延齡 大中祥符元年。賜同學究出身。

四十六代

孔宗旦 皇祐中。任邕州司戶參軍。贈太子中允。 宗哲 崇寧三年。補迪功郎。仙源縣丞。 宗質 從仕郎。仙源縣丞。 宗簡 太子中舍。 宗敗 字寧極。隱居河南汝州龍興縣之龍山。陽城。宋仁宗慶歷七年八月丁未。詔賜粟帛。又給復其家。授秘書省校書郎致仕。召爲國子監直講。辭不赴。遷光祿寺丞。頃之。起知龍興縣。復辭。卒。賜太常丞。會州麗水縣丞。師旦 宋熙寧三年登科。彥輔長。

四十七代

孔若采 崇寧三年。詔文宣王後特令親屬一人判司簿尉事補迪。功郎。 恢 字弘之。終奉直大夫。 惇 字惇之。終朝散大夫。 忱 字誠之。文林郎。 恂 字信之。奉議郎。 若鼎 字器之。若簿。濟陰主。

四十八代

孔端稟 金熙宗皇統二年。權襲封奉祀事。請修祖廟。 端朝 宣和四年。徽宗幸太學。御敦化堂。詔大臣曰。先聖後有在學者。賜上舍出身。至太學博士。 端修 進義校尉。 端節 字子奇。以宣和。提舉東嶽廟。賜紫金魚袋致仕。 端已 字子正。奉議郎。贈少保。 端位 字子著。儒林郎。常德府錄事參軍。 端植 字子固。宰鄂之通城令。民至今思之。終通直郎。湖州武康縣丞。

見家於鄂。松 高宗建炎二年。以宣校郎官。太德二年。以承直郎。事秦寧節度使判官聽公事。淵 任兗州府法曹參軍。

四十九代

孔睿 乾道五年。錄孔子後。恩受典功郎。 璨 金明昌四年。以襲封年幼。被命藝管勾記事。博州庭廣記。 璨 授迪功郎。奉南嶽祠。 璠 授迪功郎。終從仕郎。 璵 字伯秩。從政郎。婺州蘭谿主簿。 璵



字仲石。承直郎。終通直郎。壽。字伯堅。終從政郎。瑛。字粹老。金初從事太師梁王。磨下。以功補忻州同知。萃夫。授迪功。卓。從政郎。福州。閩清縣令。

五十代

孔折。授迪功。持州天宮鹽場。據。字充之。任。授迪功。樞林廟。龔。任廟學。揄。迪功。找。保義校。摺。監。擬。字誠之。字相之。字季紳。閩陵都。字器之。為開封令。元龍。字季觀。從真德秀遊。任餘干縣簿。後為。師。少孤。好學。篤意義方。鄉黨賢之。有習經讀。履常。終宣教郎。知建州蒲城縣事。師。古。處州司戶。履矩。縣尉。處州羅源。

五十一代

孔元灝。提領兼。元長。權主祀事。元讓。權主祀事。應發。據子。處州遂昌縣尉。元石。監修祖。元量。管勾祀事。元正。封承事郎。寧寧。榮州德州二學教授。元伸。將仕郎。須城縣簿。煥。饒州餘干。應祥。從政郎。刑。應禮。授忠翊衛忠。元敬。字忠卿。青。賜。遷興化路經歷。文遠。監溫州平。素。士世紀行於世。陽酒稅。

五十二代

孔之深。主奉祀。言。知兗州事。同。純。贈承事郎。濟寧。萬憲。元初。以孔子後授。之文。權主祀事。營修祖廟。贈。提領兼修祖廟。贈。之進。林廟提領。之載。將仕郎。福州。知事。萬齡。路分宜縣尹。之孚。路儒學教授。昭。孫。文林郎。汶上尹。之鼎。字實甫。濮州教授。荆。之明。柳城簿。之強。字立甫。郊縣。之祥。字吉甫。大寧。遠。袁州。之柔。字毅甫。歷。輸。之敏。字勉甫。青。之僅。字德甫。深。之果。字壬甫。任。之肅。字寅甫。大。薄。如。學簿。雲。夢。尹。之敏。陽稅使。之僅。澤縣教諭。之果。南臺御史。之肅。寧路學正。之嚴。字雍甫。之熙。字明甫。杭州教授。之敏。陽稅使。之僅。澤縣教諭。之果。南臺御史。之肅。寧路學正。之嚴。字雍甫。

路學正。濟南路教授。元孚。字信甫。宋開禧元年武。貴慶州福清縣。知福。元圭。字君錫。淳祐元年。武舉第二人及第。歷閩門舍人。知高州肇慶府。又知。泗水尹。兼瓊莞安撫。使。終武翼大夫。貴修。縣丞。定國。含山。貴明。字幼聞。於。信州教授。紹興路知事。州。兼瓊莞安撫。使。終武翼大夫。貴修。縣丞。定國。含山。貴明。字幼聞。於。信州教授。紹興路知事。

五十三代

孔淑。字世儀。國子助教。祕書省著作郎。纂修元朝一統志。陞承事。夫。驍騎尉。追。演。字德泉。嘉興教授。臨海簿。提控監。渙。字思書院。濂。字景蘇。嘉。道生。字宗一。承節郎。封曲阜縣子。安化尹。鹽官。州同知。浩。字世德。渤海教諭。縣教諭。鄒。字魯林。常州。濂。字世榮。盤陽教。德路學錄。順。遠陽教授。鉅野尹。縣教諭。起。字世衡。慈谿。字世。漢川簿。滄州儒學教授。澄。翰林待制。奉議。新楚尹。滋。字世良。曲沃教諭。洽。字世泉。台。字世川。紹興路知事。山陰尹。江西儒學提舉。福建。學正。清。字世廉。興。淳。字世寧。廣寧學正。寧。字世祿。饒信。湘。字世衡。慈谿。字世。都事。皆。字世揚。福州學正。寧海教。瀨。字世寧。遂安簿。寧。字世祿。饒信。湘。字世衡。慈谿。字世。不赴。准。字世盈。建。瀛。字世表。昌國州。洧。字世成。徽州學正。茅山。二。字世祿。饒信。湘。字世衡。慈谿。字世。順昌。涓。字世諒。永。漳。字世從。滋陽教諭。注。隱居不。路教授。膠。澈。平教授。漳。字世從。滋陽教諭。注。隱居不。西主簿。澈。平教授。漳。字世從。滋陽教諭。注。隱居不。

五十四代

孔思進。祖廟樞奉。思義。祖廟提。思禮。林廟司。思政。虞城教。思賢。子思書院。思範。汶上縣聖澤。知恩州。湖北憲司僉事。思友。字益道。平陰主簿。周。思古。水教諭。思本。字正道。盤陽。字信道。安。朝列大夫。濮州尹。益。字性道。濟寧路學教。思德。字守道。汴梁路學。思恭。字達道。虎賁衛學。路同。思履。字義道。兗州學正。益。字性道。濟寧路學教。思德。字守道。汴梁路學。思恭。字達道。虎賁衛學。知。思履。字義道。兗州學正。益。字性道。濟寧路學教。思德。字守道。汴梁路學。思恭。字達道。虎賁衛學。遵。字從道。江陵錄判。安。思通。字弘道。恩州教授。鄆城簿臨。類。思速。字進道。曹州教授。左三部照磨。大樂學丞。陸。字從道。江陵錄判。安。思通。字弘道。恩州教授。鄆城簿臨。類。思速。字進道。曹州教授。左三部照磨。大樂學丞。

著大元樂書  
若千卷  
問·東平  
路同知  
太平教  
府教授  
道·松江  
府教授  
思構  
安府教授

思迪  
字凝道·膠西瀋·安慶錄事·光山尹·除西臺監察御史·復拜內臺御史·抗章奏事  
稱旨·錫金織紋綺·轉湖廣都事·以疾辭·起爲太常禮儀院判·尋陞同知本院事  
字用道·西河縣尹·拜御史·累官至  
字正奉大夫·中書參政·知經筵事  
字興道·曲阜教諭  
字允道·餘姚學正·南  
字道·深  
字虞道·阿速  
字常道·河南省理  
字道·延  
字裕道·海北

思立  
字行道·沁水教  
字友道·容  
字元道·盤陽  
字周道·膠西  
字亨道·擢登仕郎  
字裕道·海北

思用  
字友道·容  
字興道·曲阜教諭  
字允道·餘姚學正·南  
字道·深  
字虞道·阿速  
字常道·河南省理  
字道·延  
字裕道·海北

思賓  
字興道·曲阜教諭  
字允道·餘姚學正·南  
字道·深  
字虞道·阿速  
字常道·河南省理  
字道·延  
字裕道·海北

思衍  
字元道·盤陽  
字周道·膠西  
字亨道·擢登仕郎  
字裕道·海北

思貞  
字周道·膠西  
字亨道·擢登仕郎  
字裕道·海北

思泰  
字亨道·擢登仕郎  
字裕道·海北

思復  
字裕道·海北  
字道·延  
字裕道·海北

五十五代

孔克寬  
字栗夫·濟  
字嘉夫·鹽  
字恕夫·福建  
字善夫·泗  
字永夫·興  
字弘夫·豐  
字恭夫·鄆  
字徽夫·宣  
流寓浙江溫州  
字廉夫·東昌  
字達夫·河陽縣教諭·砲手衛教  
德縣教諭·克表  
府平陽縣  
字清  
路錄事判·克義  
授·安陸府知事·肥城縣主簿·克  
字京夫·治州  
字中夫·元  
字元夫·濟寧路學教  
字成夫·淮安  
字慶夫·寧  
字勉夫·河間路學教授·楊子縣主簿·無棣縣尹·祕書監  
字允夫·長蘆學  
字德夫  
字慶夫·永平  
字惠夫·翰林國史院  
字善夫·太常寺禮儀院  
字顯夫·曲阜縣學教諭·克  
字慶夫·永平  
字惠夫·翰林國史院  
字善夫·太常寺禮儀院  
字顯夫·曲阜縣學教諭·克

克敬  
城縣教諭·克達  
德縣教諭·克表  
府平陽縣  
字清  
路錄事判·克義  
授·安陸府知事·肥城縣主簿·克

克禮  
海州學正·克諒  
路學教授·克允  
氏縣教諭·克溫  
授·高密縣主簿·克  
路學教授·克全  
路學教授·克

克紹  
著作佐郎·大都路學提舉·翰林國史待制·朝列大夫·祕書監  
字允夫·長蘆學  
字德夫

克毅  
字毅夫·衛輝路學教授  
字恒夫·莘  
字善夫·太常寺禮儀院  
字顯夫·曲阜縣學教諭·克

克廣  
邠州判·無棣縣尹·克邁  
縣主簿·克昌  
照磨·武備寺知事·克光  
蒙古衛學教授·翰林國史

克莊  
路學教授·克康  
典籍·太常寺太祝·克昌  
照磨·武備寺知事·克光  
蒙古衛學教授·翰林國史

五十六代

孔希麟  
監察御史·希緒  
賜晏賜幣·希誼  
帶·希敬  
阜縣知縣·希從  
帶·希敏  
州學正·希英  
字士彥·濟  
字士嚴·遵化  
字士紹·蒙古衛教授·賦源庫知  
字士寧·壽張縣教  
字士學·曲阜

希祖  
簿·泗水尹·希先  
車·翰林國史院典籍·新河尹·希賢  
論·陵州學正·希顏  
阜縣教諭·

贈文林郎·陪幸太學觀禮  
恩賜冠  
褒之父·贈曲  
恩賜冠  
字士遜·檀

希曾字士宗·夏邑縣主·衛輝路知事·希義字士弘·鄆縣教諭·米脂縣尹·希武諱之父·贈曲阜縣知縣·希恭字士安·魯府儀賓·諡封中奉大夫·有章菴詩芸憲贊古等書·希遠字士

五十七代

孔詞恩賜冠帶·字融伯·任英山縣丞·諡恩賜冠帶·該恩賜冠帶·曆景泰元年·應詔太學觀禮·賜幣·誠贈詹事府主簿·覲恩授南城兵馬副指揮·護恩賜冠帶·諡

公錫父·贈曲阜縣知縣·贈曲恩賜冠帶·諡恩賜冠帶·諡恩賜冠帶·許字文伯·魯府儀賓·諡諡封中奉大夫

五十八代

孔公著景泰成化二次陪幸太學·恩賜賜衣·本年·淮南大侵·公載麥千斛往·弘治元年·陪幸太學·恩賜賜衣·公郁成化元年·陪幸太學·當道義之·具奏·恩賜承仕郎七品散官·歲給與阜肉米·公尹陪幸太學·輸於官·公珍恩賜冠帶·公貞嘉靖十二年·陪幸太學·賜晏賜衣·公瑛字德文·浙江山陰縣丞·公軻字御文·卜居泗沂·徇

學·恩賜冠帶·賜晏賜衣·公綬阜縣知縣·贈曲阜縣知縣·公瑛恩賜冠帶·公緯恩賜冠帶·公悅恩賜冠帶·公田恩賜冠帶·公蒙恩賜冠帶·公亨恩賜冠帶

公舉學·恩賜賜衣·陪幸太學·公珍恩賜冠帶·公貞嘉靖十二年·陪幸太學·賜晏賜衣·公瑛字德文·浙江山陰縣丞·公軻字御文·卜居泗沂·徇

五十九代

孔彥迪恩賜冠帶·彥綸·成化元年·陪幸太學·賜晏賜衣·彥紳弘治元年·陪幸太學·賜晏賜衣·彥佑恩授西城兵馬副指揮·嘉靖元年·陪幸太學·賜晏賜衣·彥祿恩賜冠帶

彥學承業父·封曲阜縣知縣·彥洲以生員恩授冠帶·彥做字朝勤·鹽城縣主簿·彥範字朝則·魯府儀賓

六十代

孔承節恩賜冠帶·承懋恩賜冠帶·承審以生員恩授冠帶·承寧恩授西城兵馬副指揮·承槩嘉靖元年·陪幸太學·賜晏賜衣·承貞嘉靖十二年·陪幸太學·賜晏賜衣

衣  
• 承元 隆慶元年。陪幸太學。賜晏賜衣。  
• 承禎 恩賜冠帶。字永壽。魯府儀賓。嘉靖十二年。陪幸太學。賜晏賜衣。  
• 承字 隆慶元年。陪幸太學。賜晏賜衣。  
• 承讀 隆慶元年。陪幸太學。恩賜冠帶。  
• 承正 字永貞。魯府儀賓。承月帶。恩賜冠帶。承冉 字永壽。宜興縣主簿。字永學。魯府儀賓。嘉靖十二年。陪幸太學。賜晏賜衣。  
• 承渠 字永凌。魯府儀賓。承煙 魯府儀賓。承正 字永貞。魯府儀賓。承懿 字永叔。自幼好學。日與墳典爲伍。爲文若不經意。落筆即能底章。敘述沂上。不入城府。雖祁寒盛暑。手不釋卷。家事略不繫心。惟留心釐正宗門。雖忤於時。不恤也。性不喜飲。惟酌鄉人竟日不忍去。蓋孔門之隱君子也。卒年六十。  
• 承英 弘復父。贈曲阜縣知縣。五。著橋梓聯編。

### 六十一代

孔弘仁 嘉靖元年。陪幸太學。賜晏賜衣。  
• 弘器 嘉靖十二年。陪幸太學。賜晏賜衣。  
• 弘立 隆慶元年。陪幸太學。恩賜冠帶。  
• 弘禮 字以節。武進縣丞。  
• 弘豆 字以學。魯府儀賓。弘碣 字以聲。魯府儀賓。弘湯 字以新。魯府儀賓。弘燭 字以彰。魯府儀賓。弘實 字以實。亦如之。惜其貧。未表揚耳。

### 六十二代

孔聞義 嘉靖元年。陪幸太學。賜晏賜衣。  
• 聞達 嘉靖十二年。陪幸太學。賜晏賜衣。  
• 聞翰 字知書。魯府儀賓。嘉靖十二年。陪幸太學。賜晏賜衣。  
• 聞聘 字知用。魯府儀賓。嘉靖十二年。陪幸太學。賜晏賜衣。  
• 聞儒 字知學。魯府儀賓。嘉靖十二年。陪幸太學。賜晏賜衣。  
• 聞諭 字知教。事父至孝。父卒。哀毀踰禮。既葬。廬墓三年。奉旨旌表。  
• 聞壘 字知壘。魯府儀賓。嘉靖十二年。陪幸太學。賜晏賜衣。命有司師生以禮幣詣廬存問。嘉靖六年。奉旨旌表。

### 顏氏聞達

### 二十六代

顏閱 字叔明。散騎常侍。

### 二十八代

顏謙 字子讓。安城太守。 約 謙弟。零陵太守。

二十九代

顏綸 正。廷尉。綸弟。州西曹。熙侍。顯軍司馬。約次子。護

三十代

顏乘之 字敬宗。散騎常侍。邵之。暢子。領軍司馬。熙長子。治書御史。晉安太守。實。熙次子。御史大夫。永安太守。系之。顯長子。益。延之。字延年。子。金紫光祿大夫。散騎常侍。坦之。陽季子。東湘東王師。贈特進。諡曰憲。

三十一代

顏遵之 散騎常侍。恭之。遵之弟。司徒。希之。乘之次子。師伯。字長淵。左右僕射。師仲。中書侍。僧超。徐州刺史。徽之。散騎常侍。竣。字子遜。延之長子。丹陽尹。吏。測。廷之次子。兵部尚書。躍。市湘太守。延之第三子。延之第四子。

三十二代

顏幹 師仲子。中書侍耶。

三十三代

顏宣仁 巴陵王參軍。幼明。駕部郎中。翻。廣州刺史。積。中書郎。

三十四代

顏挺 山陽太守。誓。交州刺史。

三十五代

顏之善葉縣令

三十六代

顏昶寧仁令·愍楚典內史·游秦典校祕閣·頤隋之善長子·汝南侯侍讀

三十七代

顏相時字睿忠·天策府學士·禮部侍郎·勤禮字敬之·相時弟·朝散大夫·校書郎·育德勤禮弟·太子通事舍人·司經校定書史·利仁祕書·有意沔州刺史·博古

延陵丞

三十八代

顏揚庭符璽郎·蔣王侍讀·太子通事舍人·光庭職方郎·涉縣令·注後漢書·欣期著作·益期詳正學士·昭甫字周卿·勤禮長子·歷晉王侍讀·敬仲勤禮次子·吏

部郎中·平昌縣男·中和史·日損大基丞

三十九代

顏匡朝崩山·校書令·元叔下邳·志正右衛翊衛·志恭右衛翊衛·志廉右衛翊衛·志謙贊善大夫·志宣殿中侍御史·景靈校書·惟貞字

堅·紹甫太子文學·加勳上柱國·生子七·會宗襄陽參軍·孝友楚州司馬·澄衛右衛翊衛·潤尉涪城·恭敏武功·知微

關疑·允南·喬卿·真長·幼與·真卿·允臧·恭敏弟·制舉·伊闕丞·大智井州錄事參軍·鄰幾校書郎

四十代

顏晃 字元明。員外散騎常侍。兼中書舍人。贈司農卿。諡曰貞。允濟 榆次 將軍 萬年 春卿 第 終偃 明經 擢 呆卿 字昕與。元孫次死節。贈太子太。元孫第三子。詞學。直崇文館。歷 旭卿 草隸。胤山令。茂曾 嘉陵司馬。闕疑 惟貞長子。保。謚曰忠貞。曜卿 城丞。終朝散大夫。淄川司馬。允臧 御史。兼太子中允。累官至朝請大夫。上柱國。舒制軍。字去惑。惟貞次子。正。喬卿 富平縣尉。允臧 字季寧。惟貞第七子。歷太康尉。舉延昌。遷侍。允南 議大夫。金鄉縣男。喬卿 富平縣尉。允臧 御史。兼太子中允。累官至朝請大夫。上柱國。舒制尉。長安 說南丞。涓 振丞。溫之 舉方正。枹尉。渾 舍人。茂齊 法。漢中司

四十一代

顏觀 歷義清修武元 承構 涪州 武康 金水 方義主簿。劍南 長安 泉明 呆卿長子。孝義。安平尉。和 三縣令。逸 令。邈 令。紘 州官。歿於蠻。麟 尉。泉明 遷縣令。終彭城司馬。威

果卿次子。太僕丞。季明 果卿季子。贈 通明 二縣尉。鄆縣丞。沛明 贈尚食奉御。襲明 曜卿第四子。明 鄆州司馬。東陽令。季明 贊善大夫。通明 二縣尉。鄆縣丞。沛明 贈尚食奉御。襲明 曜卿第四子。曜卿第五子。德明 衛兵曹參軍。將明 縣尉。顯 常熱二縣令。封金鄉縣男。慈明 都水使者。詡 贈右贊善

祕書太監。溫 通議令。仙期 旭卿次子。右金吾大 觀 監尉。副昌 左武衛曹。上柱國。峴 茂曾第三子。解州

旭卿長子。漢州戶曹。華 將明 縣尉。顯 常熱二縣令。封金鄉縣男。慈明 都水使者。詡 贈右贊善

原 溫 通議令。仙期 旭卿次子。右金吾大 觀 監尉。副昌 左武衛曹。上柱國。峴 茂曾第三子。解州

右贊善。啓 尉。頰 事。上文章。授校書郎。頰 封金鄉縣男。終楚州刺史。頰 都水使。頰 南營州判官。

喬卿次子。奉禮郎。常熱 喬卿第三子。江陵參軍。凌 喬卿第四子。頰 奉禮 鳳翔參 頰 幼與長子河東參

頰 安南太守。任城男。頰 儀尉。越州長史。鄒縣男。頰 河南尉。頰 奉禮 鳳翔參 頰 幼與長子河東參

費縣 幼與次子。武功丞。丹徒令。頰 幼與季子。朝邑 頰 太子洗 頰 真卿長子。右率會曹。櫟陽 頰 真卿次子。祕

男。殿中侍御史。福州 允臧長子。贈 允臧次子。京兆參軍。頰 尉。河東士曹。沂水男。頰 真卿次子。祕

都團練判官。新泰男。頰 太子洗馬。頰 欽州錄事。曲阜男。頰 允臧第三子。富陽尉。吳縣 頰 常州參軍。頰

河南府工曹 旭卿第三子。宣 頰 明經。大 克明 崇文生。頰 監察御史。埔樞院官。頰 撫州刺史。頰

四十二代

曹校書郎。準 州溧水縣尉。頰 理司直。大 克明 崇文生。頰 監察御史。埔樞院官。頰 撫州刺史。頰



顏傳興 慈明子。和州刺史。 適 都水使者。 誕 泉明長子。左庶子。 証 泉明次子。歷大理少卿員外。諒宗正元六年。 諱 廣德尉。唐高宗。評明

第四子。授兵曹。誼 泉明第五子。參軍。註威明長子。睦詒府錄事參軍。頤王諱軍。河南參

尚書。御澆 顯次子。温令。昌明。琮。韓城二縣令。璋。頤次子。海。湘參軍。郎山尉。

史大夫。澆 於潛潭。 温 令。 昌 明。 琮 韓城二縣令。 璋 頤次子。 海 湘參軍。 郎 山尉。

四十三代 顏紹 讚子。潁州清流縣尉。

五十代 顏岐 字夷仲。詔察孝弟。詞學。賜出身。門下侍郎。資政殿學士。正奉大夫。魯郡侯。建炎滬蹕南徙。

五十五代 顏敬 中書工部劄付。監修提領。

五十六代 顏之克 東阿縣。衛輝學教諭。之才正。

五十七代 顏濬 寧陽縣。字德潤。鄒縣陽教諭。瑜曲二縣教諭。

六十二代 顏重道 魯府儀賓。進階中奉大夫。

曾氏開達

十九代

曾游夫御史大

二十六代

曾道始梁車騎大將軍 黃門侍  
開國侯 琦 郎

五十二代

曾德裕宋國學進士 晞顏仲子 蔭授靜江路錄事判官 改稅課大使 至大間 奉旨授太子說書 庚戌 除翰林院國史 承直郎 知制誥 同修國史 兼提調考功文書 贈朝列大夫 騎都尉 武城郡伯 巽申 季子  
舉茂才 進禮書 至大己酉 引見 奉旨授大樂署丞 延祐丙辰 改儒學提舉  
除翰林院國史 疏修官 大曆二年 調從仕郎 集賢院照磨 兼管勾承發架閣庫

五十三代

曾革封承務郎 吉安路推官 贈朝列大夫 騎都尉 魯郡伯

孟氏聞達

十六代

孟達字子敬 漢未入蜀 為宜都太守 魏文帝時 為散騎常侍 建武將軍 封平陽亭候

二十二代

孟陋字少孤 晉長史嘉之弟 清操絕倫 名著海內 簡文帝輔政 命為參軍 稱疾不起

二十三代

中郎將懷玉之族兄也。為長史。累遷吏部尚書。孟昶。義熙四年。加尚書左僕射。妻周氏。見列女。縣。食邑五百戶。無子。以弟仙客之子徵生嗣爵。

龍符

懷玉弟。少好游俠。結客於閩里。早為宋高祖所知。為建武參軍。加龍驤將軍。廣川太守。贈南州刺史。追封臨沅

二十四代

孟徵生。嗣臨沅縣男。徙廣州。

二十五代

徵生子。有筋幹異力。能擔負數人。入孟係祖。隸羽林。為殿中將軍。贈潁川郡太守。

二十六代

魏司空威之弟。事元魏。至鎮遠將軍。左中郎將。廷尉監。除黃州刺史。封鉅鹿縣開國公。食邑一千戶。除撫軍將軍。廷尉卿。轉司農卿。出為西平將軍。華州刺史。贈車騎大將軍。雍州刺史。

二十七代

字修仁。為太子少師。遷太子太傅。特加車騎大將軍。儀同三司。散騎常侍。贈冀州刺史。

二十八代

為典籤長史。補河間王國郎中。累遷東郡太守。以寬惠著名。後除廣平太守。加大中大夫。

三十三代

唐處士浩然弟。好文學。及浩然卒。浩然從弟。嘗應舉。孟洗然。洗然編其詩為三卷。傳於世。邕不第。歸會稽。

三十四代

仕唐為臯

孟庭琬 山尉

三十七代

孟元陽 唐德宗時。起陳許軍中。以嚴整稱。拜陳州刺史。遷河陽節度使。入為右羽林統軍。封趙國公。改右金吾大將軍。復拜統軍。卒贈揚州大都督。

三十九代

孟遷 昭義節度方立之從弟。居兄麾下。素得士心。方立死。眾推為節度。後為汾州刺史。

四十六代

孟存 鄆縣主簿。寧之次子。為孟庭族長。

四十七代

孟況 存之子。仕宋為魚誠教諭。

四十八代

孟彬 況之子。臨沂縣主簿。潤階宣武將軍。滋沛縣尉事。為鄆縣令。進

四十九代

孟澄 彬長子。沂寧路教授。在為孟庭族長。金亡。山東大擾。宗人多離散。在獨不去。率其族守護。坐滕縣尹。沂寧路教授。在為孟庭族長。金亡。山東大擾。宗人多離散。在獨不去。率其族守護。坐

五十代

孟德成。澄之子。居滕縣之劉庄。元太宗時。與在同復其家。仕耀州知州。德信。沂之子。居滕縣劉庄。元太宗時。與德成同復其家。仕海州知州。德昌。在之子。爲魚臺教諭。德政。爲扶黎縣尹。

五十一代

孟祇祖。字性善。德昌子。元世祖至元二十九年。特授益都路儒學教授。秩滿常遷。朝議以爲亞聖之後。不可限以常例。請於上。特令於入品內銓注。遂王往平縣濟。後爲泅水北海二縣尹。述祖。德成子。仕

五十二代

孟之弘。述祖子。仕元爲國子監助教。

五十三代

孟思言。之弘子。仕元爲東昌路儒學正。遷鄰令。終樞密院都事。

五十四代

孟思迪。仕元爲翼城教諭。

五十八代

孟公枚。字幹文。爲人端正有分決。縣尹章時。饒修孟子墓祠。俾董其役。公枚捐已貲助之。卒後。孟族每有疑事。輒相謂曰。使幹文在者。濟矣。其爲族人所慕如此。

六十代

孟承印。字永孚。性敦朴。不尚文飾。頗涉典籍。尤熟少微遺鑑。凡令鄒者。表揚孝子。必以承印爲首。年七十餘卒。承廉。邑徂義士。

孔子流裔十一支。北直一支。南直二支。浙江二支。江西一支。福建一支。河南二支。廣東一支。

一支在北直真定府衡水縣。係三十二代孔穎達子孫。

孔穎達字仲遠八歲日誦千餘言及長尤明左氏春秋王氏易鄭氏書詩三禮兼善筭曆屬文居家以教授爲務隋大業初明經高第授河南內郡博士徵赴東都令與國子校書學士論難莫能屈補太學助教屬亂避地武牢唐太宗平王世充引爲秦府文學館學士武德中授國子博士貞觀初封曲阜縣男轉給事中數進忠言益見親待除國子司業遷太子右庶子兼司業與議儒議曆及明堂皆從公子說又與魏徵撰成隋史加散騎常侍又修定五禮衆有疑滯咸諮決於公書成進爵爲子賜物三百段以在東宮數有諫正又賜黃金一斤絹百疋拜國子祭酒仍侍講東宮太宗幸國學釋奠命公講孝經公因上釋奠頌手詔褒美又受詔撰定五經正義凡一百八十卷賜物三百段貞觀十七年以年致仕明年圖形凌煙閣卒贈太常卿諡曰憲陪葬昭陵子志終孫惠元三世司業時人榮之

一支在南直應天府句容縣係四十八代孔端隱子孫

孔端隱字子宣傳第四子宋高宗紹興間登進士第文林郎江陵府觀察推官歷官十載清慎自持卒於官子瑄隨任以金侵難遠遂卜葬於屬縣句容之福祚鄉因家焉

